西

東

聞

見

錄

		だと六十八日後	西道関見維
无	林希元	毛伯温	王通
晟	沐	張 輔	高皇帝
			往行
			佚 名
球	對	佚 名	黄 福
輔	張	王世貞	嚴嵩
			削言
			安南
			往行買
韜	霍	佚 名	鄭曉
•			相仙
	·		屬國
			兵部十七
		之六十八目錄 *	西國開見錄卷之六十八目錄

往行	琉球	七期	朝鮮
	彭鰕化	魏佚名	

	何鰲	往行	超山 및	佛朗機	往行■	高皇帝	揃言	湖泥	尹直	往行
									李玉赐	
					_				屠鏞	
				}						

樂始也將復交趾而收大寧乎都統之議夷且嗤我革蘭台已駸駸乎 我貳矣棄哈密而擔女直乎哈密罷我河西女直杆我遼東也土番入 知禮教也大國也琉球小夷何以次朝鮮也學于中國也何以終鞋鞋 哈密而嘉峪不驚胡虜通女直而山海弗靖矣朝鮮何以次兀良哈也 難敗非也大寧之北有三衞也蓋自洪武始也其南據大寧也乃自永 武衛也哈密女直非敷羈縻之虜非我官長也兀良哈之有三衛以靖 鄭瑞簡公四夷考序曰四夷何以首安南也我郡縣也次兀良哈何我 兵部十七 西園聞見錄卷之六十八 也非勍寇乎我勝國也盛衰之運中國有安危焉以故別考而存之戰 屬國 前言 がところとし 嶺南 張 营孟奇甫 輯

之得相安焉可矣西域何以不得殍南海也王公設險假樹渠焉如之 呼均覆載者天德也辨華夷者王道也昔也外夷入中華今也華人入 言往來往來言諸侯也四夷來王八蠻通道未聞有報使焉然則領封 守之略可幾而得矣高皇帝何以有海外之使也更始也成祖西洋之 何使其縱橫出入幾偏宇內也海島之夷勤我封使往來之禮敷夷不 四王我厪厪焉西番五王世優之何也不能爲我深創也苟因俗而治 可乎奚爲而不可也陪臣請命于京師王人致命于海上非往來乎嗚 **膙不已勞乎鄭和之泛海與胡浚之頒書也固有大疑焉爾羌三王胡** 発してこりて

衛我干城烏可得哉 故慎封守者非直禦外侮亦以固內防也池魚故淵飛鳥舊林人情獨 也嗚呼德惟善政政在養民盍亦反其本矣不然而欲郡縣我子弟武 不然乎彼其忍于捐墳墓父母妻子鄉井而從異類者必有大不得已 外夷也喜寧田小兒宋素卿莫登庸皆我華人雲中聞浙憂未艾也是 □□□□日四夷之服屬我者琉球最爲恭順每立王必先請封我命使

其地蓋在中國之東南自其國西南去八九日則至小琉球正南去海 水力爭乃免惟日本最爲巨害國初以其狙許善作逆拒絕之不與通 不得登岸軍士渴二將仰天自誓乃以鎗札地泉隨涌出至今呼爲聖 眞臘西接交趾之後爪哇者古之閣婆國也廣東及漳州人多逃居于 王舍城也自聞長樂縣五虎門開洋西南行順風十日可至其國南達 返則似逆流而上故多虞又云其下者殆落潦與故舟人緊持柁與風 制地土肥美一季種穀三季收稻水多地少暹羅國自占城西行七畫 水番舶多聚此賣金賣石及諸番貨舊港國即三佛齊國也受爪哇節 此海難上有小池甘淡可飲相傳元朝命將史弼高與伐之經月阻風 西番則可知者二十國皆頗効順不敢稱兵內向其曰占城者即所謂 正北去海二日至月氏國此其國之四界也巨海之中莫測其廣大若 四五日至大琉球正東去海一日至女人國東北去海一日至毛人國 夜可至其國地週千里外山阻燃內地卑濕土瘠氣候不齊崇信釋教 公とコンニノー

往涉海甚艱殆逾萬里三使各有錄云去其國水勢若竭而下故稍安

皆珍之錫蘭國自南浡里帽山風行三日見翠藍山三四座惟一山最 蘇門打刺依山行順風二晝夜可至其國那沒嚟洋凡西洋來船多收 蘇門打刺國即古須須文達那國也其國乃西洋總路其國方亂永樂 此其山約二十丈許有樹生海淺水中名為珊瑚大者高二三尺四方 十三年太監正使到彼爲之定亂位始正以此感恩至深常貢方物其 敵啞魯國小邦也自滿剌加船行四晝夜可到其國王及國人皆回回 國朝熱如夏暮寒若秋惟旱稻一年二熟那孤兒小邦也在蘇門打刺 制水樂七年遣使宣詔旨特恩賜其地主銀印立國封王遂與諸番爲 西北行一晝夜可到以銀爲錢大如海螺壓面古里園此西洋大國也 到其國邊海東大山西大海南北地狹柯枝國自小葛蘭國船沿山向 人寸布着身即爛故人皆赤體小葛蘭國自錫蘭國西北行六晝夜可 高大此處人皆巢居穴處相傳佛于此澡浴人竊佛衣藏之佛呪願其 西其人皆于面刺三尖青花為號故其王又呼爲花面王南浡里國自 僧尼極多滿刺加國自占城向西南行八日可到舊名五嶼受暹羅節

者コソンノーノー

近古云弱水三千即此處也人皆巢居穴居其傑幹國王臣庶皆回回 到其國倚山聚石四面皆海西去有天生石門海中狀如城闕有八大 熟食綵帛書籍諸色物件榜葛刺國自蘇門打刺船取兒山幷翠藍島 人祖法兒國自古里國船投西北行十畫夜可到其國邊海倚山王及 頗多番舶市易者衆溜山國自蘇門打剌船過小帽山投西南十日可 船自柯枝國西北行三日可到永樂五年遣正使乘大熊寶船齊勅諭 投西北行二十日先到浙池港入港五百里到鎮納港又登岸西南行 珠者五櫃自餘不可勝紀凡國人打造金銀入細生活絕勝天下市肆 太監齊勅諭至彼其王卽諭國人凡有實物俱許出賣此國買到猫精 人皆奉回回教惟強梗有馬步銳兵七八千鄰邦畏之永樂十九年李 國人皆奉回回教阿丹國自古里船投正西兌位行一月可到王與國 溜其餘小溜尚有三千餘處水皆散緩無力舟至而沉故行者皆不敢 賜其王誥命銀印遂立王爲記謂中国相去十萬餘里民物熙皥土產 ō 一塊重三錢許幷大顆珍珠各色鴉體等石珊瑚樹高二尺者數株為 Į

卷之六十人

三十五站始至其國地廣人稠風俗良善忽魯謨厮國自古里國船投 若獅豹等猛獸見之皆伏于地乃百獸之王也天方國卽默加國也自 花秋則落葉有霜無雪雨少露多有一大山出四種物一面出紅鹽其 温厚遇一家遭難致貧衆皆助之所以無貧苦之家氣候寒暑春則開 西北行二十五日可到其國各處番船并陸路諸番皆到此市易風俗 古里船望西南申位行三月始到其國地名央沓又自央沓西行一日 其色如銀珠一面出白土其色如石灰一面出黃土其色如姜黃諸番 堅如石以鐵擊取之有三四百斤爲塊下濕滷擂末用之一面出紅土 門兩傍以白玉石爲柱共四百六十七柱前九十九後一百單一左一 門再行半日到天臺禮拜寺番名堂愷阿白其週如城有四百六十六 到王城彼人云西方聖人始于此處闡揚教法至今國人悉遵回回教 獸名草上飛番名昔鴉鍋失似猫而大身玳瑁斑兩耳尖黑性鈍不惡 珍珠若龍眼重一錢二三分者珊瑚樹幷枝梗大塊金珀幷諸珍奇有 寳物皆有如紅鴉鴨青黃鴉鴨剌石祖把碧祖母綠猫精金剛鑽大顆

獻其狀龍首鳳頭醫身肉角牛尾馬蹄色黃赤面龜文其高丈有五尺 花實石爲之長一丈餘高三尺闊五尺四圍牆垣皆以甘黃土砌高五 霍公韜日謹按皇明祖訓安南眞臘暹邏占城蘇門答剌西洋爪哇彭 諺久矣蓋慕其樂上也今觀天方國所有乃知諺語爲不虛也 云自小葛蘭至天方國柯枝凡雨半載而霽霽半載而雨論曰天堂之 獅子駝鶏等物并畫天堂圖回京文皇帝御奉天門受榜葛剌麒麟之 頓息宣德五年朝命偏論西海諸番往回一年買到奇貨異實及麒麟 得水三分凡草皆露滋養又往西行一日到一城番名沒底納城中馬 六尺餘氣候皆如炎夏並無雨雹霜雪夜露甚重夜置碗露中及日可 絲為單畜二黑獅子守堂門堂近有司儀聖人之墓其墳塚用綠撒百 香木為梁黃金為承溜牆壁皆用薔薇露龍及香和土為之上用皂紅 何必摻糝味清甘下番人往往取水置船中遇風颶作以水洒之風浪 哈麻聖人陵寢在焉至今墓上發毫光日夜侵雲而起墓後有井番名

百三十二右一百三十五堂制如此皆以五色凑爲方面頂平內以沉

突入東莞縣界時布政使吳廷舉許其朝貢為之奏聞此則不考成憲 後輒通又按大明會典凡安南滿剌加諸國來朝貢者使回俱令于廣 抽解俱有則例足供卸用此其利之大者一也除抽解外即充軍的今 則國家成憲果安在哉以臣等論之中國之利鹽鐵爲大山風水煉花 是因噎而廢食也况市舶官吏設于廣東者又不如漳州私通之無禁 也祖訓會典所載諸國素效恭順與中國通者也朝貢貿易盡絕之則 歸于閩而廣之市井蕭然矣夫佛郎機素不通中國者也驅而絕之宜 滿剌加諸番國舶盡行阻絕皆往漳州府海面地方私自住劄于是利 軍驅逐出境誅其首惡大者亞二等餘當開風懾遁有司自是將安南 之過也厭後擴狡章聞朝廷准御史丘道隆等奏即行撫按令海道官 送往迎來貿遷有無柔遠人而宣威德也至正德十二年有佛郎機人 東布政使司管待見今設有市舶提舉司及勅內臣一員以督之所以 亨百花三佛齊浡泥諸國俱許朝貢內帶行商多行譎詐則暫卻之其 **砭終歲僅充常額一有水旱勸民納粟猶懼不給舊規番船朝貢之外** ***卷之六十八

縣南頭等地面遞年合海道副使備倭指揮督率官軍嚴加巡察凡舶 明矣况久阻忽通又足以得其驩心乎臣請于洋譽要害去處及東莞 也見今番舶之無漳閩者亦未聞小有驚動則是决不敢爲害亦彰彰 未有敢為寇盜者至近時佛郎機來自西海其小為肆侮夫有所召之 德成化間占城被篡繼絕蒙恩南方蠻夷大抵寬柔乃其常性百餘年 哇三佛齊等國洪武初首貢方物臣服至今永樂時浡泥入朝沒齒感 孔爲民罪梯也議者或病外夷闖境之爲虞臣則又籌之暹邏眞臘爪 焉而在官在民又無不給是因民之所利而利之大者也非所謂開利 給之其次資民買賣故小民持一錢之貨即得經被展轉交易可以自 已缺乏科擾于民計所不免查得舊番舶通時公私饒給在庫番貨旬 也廣西一省全仰給于廣東今則有微發即措辦不前雖折俸椒木久 肥廣東舊稱富庶亦以此耳此其為利之大者四也助國給軍既有賴 月可得數萬雨此其為利之大者二也貿易舊例有司澤其良者如價 兩廣用兵連年庫藏日耗藉此可以充羨而備不虞此其利之大者二 卷之六十人 暴圖,安南

寧等往封爲安南國王未至日煃卒其子日熞請封遣吏部主事唐仁 至于陳氏太祖高皇帝登極陳日煃者首先効順遣翰林院學士張以 郡王然猶授中國印綬官階未以國稱其後封南平王奏稱文移猶稱 嚴公嵩曰臣看得尚書黃綰所奏要將安南黎氏受封始末等項查錄 虞則官軍必罪如此則不惟與一方之利而王者無外之道亦在是矣, 所謂喇哈番城必誅權要之私通小民之誘子女下海者必禁一有疎 所不載者如佛郎機即驅出境如敢抗拒不服即督率官軍擒捕而凡 安南道宋孝宗時始封以王稱國安南爲中国郡縣其先李氏傳八世 置象郡漢分爲九眞日南象三郡五代時爲劉隱所幷至宋初始封爲 前去以備應用一節臣等謹欽遵考得安南古稱交趾秦幷天下于此 前言

之來出于祖訓會典之所載者察詢得眞許其照舊駐劄祖訓會典之

爲下所殺俱責以不義置之不計永樂元年安南國權理國事胡查遣 封日煙爲安南國王其後日熞爲叔明所殺叔明爲日煒所殺陳日煒 求封又該本部奏准差官齎文會廣西三司御史等官體訪是實天順 黎麟嫡次子黎蘭謀爲国人繼攝國事黎宗自縊身死隨該黎蘭具奏 王至天順五年間安南國黎宗謀死國王黎濬朦朧請封國人不服被 黎濬奏稱係國王黎麟嫡長黎麟病薨本部覆奏黎濬襲封爲安南國 室因表謝利自立爲王及翻閱本部案卷所存者正統年間該安南國 差侍郎羅肅往封日嵩爲安南國王未至利篡其位尋因雷震焚利居 使奏陳方物賀即位稱為陳氏之甥為安南國權理國事奏請封爵成 國王黎瀬世子黎暉奏臣父國王黎瀬弘治十年二月初三日病薨遺 八年將黎蘭襲封爲安南國王又查得弘治十一年閏十一月該安南 年交趾海濱頭目黎利作亂宣德三年利爲日嵩上表乞立爲陳氏後 以矯許往征之旣而簡定陳季擴陳日嵩相繼爲擊叛服不常洪熙元 祖文皇帝遣使廉察續遣郎中夏正善齎詔勅往封查爲安南國王繼 Į

T

1

* 卷之六十人

...

將黎誼襲封為安南王情節及請詔書差編修沈燾給事中許天錫齎 陪臣阮寶珪齊國人求封表幷上進方物赴京陳奏該本部覆題准例 初入日世子黎敬病薨時巫囑頭目黎廣度等以臣誼繼管國事謹差 請詔差正使侍講梁儲副使給事中王縝齊捧前去行禮又查得弘治 度等請臣權管國事謹守欽錫印信請命于臣謹差陪臣阮綱等齎人 國人學說阮种阮伯勝等之罪惡阮伏厥誅本年十二月初二日黎廣 遷黎誼于舊宅逼令自盡欲立阮种親弟伯勝本國頭目黎廣度等同 權傾內外惡黨日恣圖竊國柄正德四年十一月二十六日阮种等脇 臣本國王黎誼麗任母黨阮伯勝等恣行兇暴拂亂網常以致阮种等 捧前去行禮又查得正德六年八月內該安南故國王黎顧孫黎晭奏 月二十六日父國王黎暉病薨遺囑世子黎敬暫管國事本年十二月 十八年十二月內該安南故國王黎暉第二子黎誼奏弘治十七年五 上進方物赴京陳奏該本部覆題照例將黎暉襲封爲安南國王情節 屬頭目黎永等以臣管攝園事謹差陪臣潘綜等齎國人求封表文幷

濱鸠殺黎應偽立己子踪跡曖昧尤不可知四年夏黎讓遣陪臣黎啓 恩等齊詔勅綵緞等物後竟以梗阻夫達而返其所立稱光紹被逐海 悉為所據黎網鄭江鄧鳴謙等率衆共討登庸懼誅脇立親王故黎顧 等齊奉前去受封行禮正德十一年夏陳屬父子作龍明遇害本國頭 本國國王並無嫡庶子孫止有黎爾孫黎明相應承襲准封爲安南國 黎藏第五子黎詔之弟中問恐有達發取具該管通事范樂執無錄據 阮正卿等齊捧歲頁奏事求封等禮被逆庸遊道不前續差拔萃黎景 庶出幼子然一切號令悉出登庸之口本國益亂是年冬差編修孫承 年秋莫登庸同阮時雍等謀作不軌讓間行脫居清華地方都城國寢 兄故黎瀬嫡長子黎謥立被嵩窺伺陰山途路阻絕不得請封嘉靖元 目耆人黎網鄭江黎叔祐鄭簉黎念鄧鳴謙黎嶅武洤等共推以赒長 王情節及請詔書幷將欽賜皮弁冠服等件請勅備載正副使湛若水 求封表文并上進方物赴京陳奏本部看得該國進到表文內無關係 朱植抱本間道潛乞援不果庸益得志肆無忌憚遂于嘉靖六年五月 A 見後 老文六十八

皆自奮勵起為將相有聲至宋始棄以男其皆然猶授王官質子貢物 達于中國用是干戈擾攘割樣至今此其始末梗概如此但前項事跡 推嗣位然臣、主交爭名分倒置逆庸黨與竊據要衝文移聲息無自而 嚴鄭伯蓬黎如避阮均范珏等以黎寧係世子黎讓親嫡長子應襲共 中大困黎認播遷日久本年秋憂憤成疾而亡國人黎公亮鄭惟阮有 稱為太上皇帝每將兵拒戰四方見其人不服益級光殘擾害邦畿國 人統兵拒守迄無成功九年春再偽立其子莫登贏僭號大正妄自尊 十二漢置九郡後供賦稅出力比于中土焉人物如阮翁仲姜公輔輩 本部別錄一本給付黃館齎捧前去以備應用 本部查出前項緣由共錄上進仍候內閣所錄進呈御覽畢伏乞發下 稿籍必須備錄秘府所藏方得詳確已經本部備行內閣查錄外今將 浩繁年代愁隔本部所查尚未能盡其議載在累朝實錄及內閣貯有 內明白篡立僭號明德本國人民雖腹背夾攻登庸疑其左右不用他 王世貞曰西南夷君長以十數安南為最鉅地視中國得十一戶口得

舜要領當是時東南東土物故者十餘萬轉漕饋飾之費不可貲計更 **元得志直北縣萬里不譯而通欲修漢舊累發兵伐之三四入國都終** 豈善後之策異耶非耶國家地贏於交州而取奇大理稍相折然去漢 之跡迨我明太宗文皇帝拜征夷將軍大發兵討之擒偽王伏斧鐶闕 唐時間矣建議者非不斯津津復也往年莫氏之役與獨主上銳而羣 下畫經界圖史受約束夷樂夷俗畏恐明法峻旋叛雖得屬圖版之未 遣使好喻教彼巧摭厚幣陽餌而陰攝焉大都闕庭終不可望其世子 饒富不敢妄異同也宋弱漸以思鷺康其逸彼益驕不復睹中國大矣 要害之究而事肢節非有大益且有異害昔吳王北破齊盟晉而越入 虜勢方跳梁歲殺掠吏士孤不得壯壯不得老而供鲍坐疲矣舍吭領 尼之此豈修佚忘大哉善理疾者必先究吭領要害而餘功建于肢節 唐時勝兵近百萬與中國抗幾併蜀今彬彬然內郡無慮矣用兵等耳 集議髭之南土豬息肩珙武時傳將軍下雲南得大理郡大理古六詔 二十餘年大司農量得喪乃百不當一耳宣皇帝難用兵采揚士奇揚 一をとこれ十八 安章 Breef all a que e la entre depuis

其僭號大虞紀年號蒼僞稱尊號季降稱太上皇毀中國儒教調孟子 遣使者以兵五千人送添平歸達其境季降伏兵殺之及使者上聞之 國公朱能佩征夷大將軍印充總兵官西平侯冰晟為征夷左副將軍 臣告于郊廟分遣近侍遍告天下山川秋七月癸未制論太子太保成 爲盜儒稱程朱爲剽竊乃議與兵問其罪于是羣臣咸贊成之乃遣大 胀不正其罪如天道何旣而占城亦告蒼侵軼疆界強授以印服又聞 道至京愬其實季聲聞之懼遣使上表請迎添平還以國永樂四年春 上不逆其詐從其請未幾求襲王爵許之踰年陳氏孫添平始從老撾 **降詭姓名爲胡一元子蒼爲胡查嬌稱陳氏絕嗣查其甥請權署國事** 歸此征安南之說也伐宋非失策也吳固而後宋可伐也 震怒論羣臣日账爲萬國主蠢爾蠻夷乃敢爲不道以戕其主奪其國 太宗文皇帝入正大統之初安南國王陳日焜爲其臣黎季隆所弑季 吳王且未慮吳也而欲伐宋其臣諫曰王得宋小不能居而失吳王乃 新城侯張輔為征夷右副將軍豐城侯李彬為左參將雲陽伯陳旭右

從廣西思明府憑祥進左副將軍率左參將領都指揮陳塔盧旺等統 橫海將軍魯麟劉清等二十五將軍統兩京畿荆湖閩浙廣東西之軍 龍江大將軍遊疾以師授右副將軍十月庚子大將軍薨衆議軍機事 有勞動且底于罰能等頓首受命萬衆鼓舞登舟以行是年九月師次 劉箚出鷹揚將軍呂毅方政神機將軍程寬羅文遊擊將軍朱廣王恕 **参將勅大將軍率右副將軍右參將及清遠伯王友領驃騎將軍朱樂** 毋殺降毋繫累老稚毋毀壞室墓一草一木亦勿妄剪除達狀命者雖 戎機刑部尚書黃福大理寺卿陳洽給事中馮貴督饋餉于凡所過名 巴蜀建昌雲貴之軍從雲南臨安府蒙自縣進以兵部尚書劉儁參贊 遇春為大將軍岐陽王李文忠為偏將軍率師北征開平王卒于柳河 征夷大將軍印代能總兵且降勅論之曰昔太祖高皇帝命開平王常 重不容以緩請右副將軍代總其兵行大將軍事急驛以開上命輔佩 駐驛江滸誓于衆日朕命汝等奉行天討罪惟元兇尙體朕心毋窮武 山大川修祀事乙酉出師上親幸龍江孺祭將帥陪位受胙惟謹訖事 見嫌 シジャ・・・ン

僭稱國號僞紀聖元紹成開大年號罪十九朝貢不遣陪臣輒以罪人 十六責占城王惟知尊重中國而欲以其所以事中國者事之罪十七 朝使送占城陪臣遷其围以兵劫之於昆陵港口罪十八不奉正朔又 罪十三又攻板達郎黑白等州掠其人民罪十四勒取占城象百餘仍 加兵不已罪十五占城既受天朝章服輒偽造金印帶服逼使其服罪 土官罪十二占城國王占巴的賴國新遭喪與兵攻其舊州格烈等地 近邊土官致其駭散罪十侵廣西之禄州地界罪十一擅據西平州殺 三世本黎氏背祖更姓罪四既篡主位乃詐稱權署國事以罔朝廷罪 氏子孫殺之殆盡罪二淫刑以逞視國人如仇重斂暴征民不聊生罪 七侵雲南之寧遠州七寨罪八殺土官猛慢擴其女徵其銀罪九成逼 五表請陳氏孫還以國及朝廷命使送之乃敢拒遏罪六殺國主孫罪 父子大罪二十以明天討之意數季降兩殺其主以奪其國罪一凡陳 萬世之功此定興忠烈王受命專征之始先是王與大將軍榜示黎賊 川岐陽王率諸將掃蕩殘胡終建大勳著名青史汝宜取法前人以建

一者マテナナー

道路繕橋梁督糧運戊申大軍次邱温縣己酉咱至隘留關賊衆二萬 壘以南由险留關歷雞翎關至芹站山菁孫險林木陰翳且多溪澗慮 坡壘關揭前榜論國中吏民以朝廷伐罪弔民之意招徠之王詢知坡 意以立奇功不用命者必軍法從事無赦衆皆讙呼用命是日大軍入 之至王以十月丁未至憑祥縣稱牙入境并望祀其國中山川畢諭于 者悉奔散壬子大軍次雞翎關癸丑次芹站是日先遣鷹揚將軍方政 等亦破雞翎關斬首八十餘級生擒十一人賊聞二關破其屯兵設伏 依山結寨穀攻拔之斬首四十級生擒六十餘人是日縣騎將軍朱榮 賊有伏兵先遣鷹揚將軍呂穀咱採及檄都督同知韓觀營于坡壘修 非稟命不許取物毋掠子女毋焚廬舍毋踐禾稼爾等宜承奉聖天子 討以繼絕世甦民困命我等以弔民伐罪叮嚀告戒非臨陣不得殺人 衆日皇帝非利安南土地人民乃為黎賊害其國主虐其黎庶奉行天 榜末云待黎城父子就擒之後避陳氏立之莫不延頸跂足以待王師 充使罪二十初交人聞天兵南下罔知所以既聞榜示咸知其由及見 刚儿弟 卷之六十人

屯守水陸者號七百萬蓋悉驅國中老幼婦女以助聲勢非實然也大 木代悉國中舟艦泊其內凡諸港议可通舟處俱下拒木以備贼衆聚 軍屯富良江北岸王以書論季降日子奉命統兵來問爾罪爾能戰則 城于多邦险樹棚立城連橋接艦七百餘里又于富良江南岸緣江下 北岸自海潮江由希江麻牢江直至盤雞困枚山立木為糖及增築土 降因詢降人知賊巢穴在東西二都恃宣江沲江富良江以爲險自三 軍劉箚出拔困吾塞是日有僞三帶州魚判鄧原南策州人莫邃等來 侯統舟至三帶州與王所遣都督朱榮會癸酉橫海將軍魯麟驃騎將 舟越山自間道以出逃水江縱火焚賊舟奪富良江十一月乙巳西平 拔棚華監隨處築堡駐兵伐木造棚都指揮徐源孔斌等突出宣光江 自雲南蒙自縣進兵經野蒲蠻入境都指揮朱濬等奪猛烈關俞讓等 **江府沲江南岸傘圓山起由富良江南岸東下直至江寧又自富良江** 口奪其澳物等沙左參將豐城侯領兵渡其上游都督程達等中夜昇

遊擊將軍王恕等直抵富良江北岸嘉臨縣是時左副將軍西平侯亦

己亥大軍與左副軍合勢王與西平議曰賊江栅勢逼地狹難以列軍 勢以掣其勢賊果分遣水軍于嘉林奪我舟樂等奮擊大破之十二月 其兵而賊亦無悔過遷善之意乃移軍三帶州屯箇招市口與左副將 報國成功在此一舉宜奮勇爭先以立其功先登者不次陞賞將士聞 具若雲梯仙人洞之類具備攻而取之易易也乃召將士論之曰汝等 外設坑坎布竹籤號所特者此耳蠻人綿薄不耐苦不足慮也我今攻 惟多邦監城外沙難上平闊足以容軍然其城峻濠深守具無不備而 侯議于上流渡江乃遣朱榮等于下流十八里嘉林置舟筏爲欲渡之 舁船從上流下水奪其船斬首百餘級自是划船不敢出沒王與西平 軍西平侯議造船置銃以圖進取時賊有划船出沒江口王命魯麟夜 上所遣又云兵已入境若兵回即貢否則自有準備王知此勅欲以緩 罪行人至其國季降不出見以詭辭答曰文書比對勘合不同此必非 遣行人宋勸齊勅至諭黎賊以禍福及許其輪金五萬兩象百隻以贖 率衆于嘉林以待不能戰赴軍門以聽處分王意欲挑其急戰也會朝 ď Į 安佛

をシ六十八

攜妻子遁于海島我軍至焚其宮室據其城池餘黨依天建山困枚山 數萬計王召其父老諭以弔伐之意惟聲動地乙卯議遣左參將豐城 搗其東都克之王與左副將軍駐于城之東南給榜論吏民降者日以 梯先附城都指揮蔡福等數人先接梯登城用刀亂砍賊衆驚呼城上 等處水陸據守乃分遣靖遠伯王友都督黃中都指揮柳琮等隨賊所 侯李彬右參將雲陽伯陳旭伐其西都賊首聞多邦破先已焚其倉庫 傘圓山又明日循富良江南岸縱火緣江一帶木栅烟焰漲天辛酉直 賊潰亂自相踩踐及官軍殺死者不可勝計大軍乘勢長驅明日追至 府所制獅子象蒙馬象見獅子形驚畏而顫又為銃箭所傷倒回奔突 火齊明角應之軍皆蟻附而上賊于城內列陣驅象來衝我軍乃出內 吹角為號是夜四鼓都督黃中率官軍潛昇攻具越重濠抵城下用雲 不意于是出內府所置夜明光火藥散軍上傳執之有先登者燃之及 列軍沙難之上布置已定別調軍距欲襲之處里許作欲攻勢以出賊 命無不踴躍乃議分地界大將軍攻其西南左副軍攻其東南己酉各

升魯麟土官莫選等分領戰船由水陸窮追戊寅舟師至清化之磊江 源王論諸軍宜乘破竹之勢追動殄滅乃回軍交州留右參將鎮守備 銳攻之都督柳升等亦帥舟師來奮擊賊遂大潰富良江水爲之赤積 中而以戰船划船兩岸齊進既而登舟植木栅王乘栅之未成親督精 襲我俟其出水陸幷擊之賊必生擒三月癸酉大軍回交州甲午賊果 靜我若回軍交州留兵于藏水關兩岸留戰船守備彼必出悶海口以 安海口王謂左副將軍曰賊聞大軍來不敢敵故潛遁他所以覘我動 并進次于木花江對岸下營辛已賊船三百餘艘來犯我軍水陸夾擊 禦黃江等處四月乙亥王與左副將軍統軍由清化府倍道兼進調柳 屍數十里右參將雲陽伯乘勝長驅直抵悶海口黎賊父子遠遁于靈 犯鹹水關報至乙酉王與左副將軍合兵水陸幷進賊以海船橫截江 贼衆大敗斬首萬餘級弱者無算二月乙巳王聞賊首遁于悶海口出 州鎮適開賊子黎澄聚舟黃江左副將軍左參將領軍循富良江水陸 在而征動之自是年冬至明年春前後斬首二萬七千餘級時王留交 卷之六十人

安育

+==

繼立者請依漢唐故事立郡縣如內地以復古王琉以開從其請乃于 篡其國前後殺其近族五十餘人及其遠族又千餘人血屬盡絕無可 官吏者老人等威稱黎賊于己卯年殺光泰王顒立其子頤而殺之遂 縣下營甲戌柳升率舟師至奇羅海口與賊戰大敗之獲賊船三百艘 以開先是王等受命時詔令求陳氏子孫立之至是平定王徧訪國中 三百十二萬五百象馬牛羊舟糧無算遣都督柳升等獻俘闕下露布 民親屬俘獲無遺安南地方悉平所得府州四十八縣一百八十六戶 邃下土人武如卿五人獲為國主黎蒼及其為太子芮于高望山凡黎 皇黎季降黃中所領軍士李保等十人獲傷衛國大王黎澄等丙子莫 餘船分散賊首潛竄草野乙亥升所領軍士王柴胡等七人擒賊偽上 油縣王從舉厥江東路左副將軍從舉厥江西路進軍兩兵俱至盤石 副將軍兵從陸路柳升等率舟師由水路追賊壬申大軍至義安府上 師來會途中來降者相繼知黎氏父子遁于義安府之深江王議與左 賊衆聚船以拒升等擊賊斬首萬餘級五月丁卯王至演州柳升等舟

耆老賑恤窮獨革去夷俗以復華風使泰漢以來之土宇陷于夷狄者 褒嘉之是年冬安南餘孽簡定作亂自稱陳姓本前陳舊官先已降附 券玉帶金帛命子孫世襲加禄米三千石旣大宴上親製平安南歌以 其地立交趾等處承宣布政使司都指揮使司按察司分其地爲十七 旣而僭號大越稱與慶年號朝命黔國公充征夷將軍從雲南往征之 旣而潛于義安府與其黨鄧悉鄧鎔阮師陳希葛等謀反自稱日南王 稱賀六年春班師入朝秋七月策功行賞進封王英國公西平侯黔國 墳墓禁樵採各戶給三十凡黎賊苛政暴斂悉皆除之擢用賢能優禮 交廣分界處如潼關衛例設丘温衛及坡壘監留二守禦所軍隸廣西 府四十七州一百五十七縣據其要害設衛十一守禦千戶所三又于 四百四十六年復入中國版圖詔布天下文武羣臣親王藩服咸上表 司為陳王贈諡凡其宗親爲賊所害者各贈以官又爲之建祠立碑葺 公靖遠伯王友進侯爵都督柳升陞安遠伯餘擢官增禄有差賜王誥 民屬交趾以相制馭是歲大詔天下以平安南復古郡縣之故幷勅有

至清化越四日生擒簡定于吉利栅之山幷其黨陳希葛等檻送京師 其伏者斬之遂奪其堡賊遂遠遁王隨所至而追之賊或聚或散竟莫 年號季擴乃簡定從子簡定為阮師等所廢而立季擴定敗遠竄聞王 明年二月王還朝上嘉勞之未裝簡定餘黨陳季擴復嘯聚僭稱重光 無數賊退保黃江乘勝擊之太平海口賊竄義安茶偈江冬十二月師 共勦之王以四月至南寧會兵五月入境王躬督戰艦破鹹子關斬俘 **贼起相扇以動贼酋所至輒爲之供億隱蔽以故賊復聚朝廷屢下詔** 太多交人久外聲教樂寬縱不堪官吏將卒之擾往往思其舊俗一聞 得其要領時關以東羣盜蜂起所完者交州一城耳蓋新建州縣軍衛 堡不足攻其山南險阻彼必設伏以撓我乃使驍將率土兵捜山果得 月師次東關六月進兵賊聞王至以石塡神頭海口三十丈許設拒木 班師復與陳景異等同反九年春正月復授王前印住督師征之夏五 久不能遏絕廷議謂非王不可七年正月乃命王佩征虜副將軍印往 以抗兵王督將士悉起其石以通舟楫賊懼立堡常月江王戒衆曰此

■ 卷之六十人---

中其象叫號退走自踩其衆乘勝擊之斬戮僵仆填滿獨谷賊徒散遁 擒賊在此舉機不可失乃鞭馬先進象伏突起王一箭落其象奴再箭 天兵飛來也遂大潰奪其化口城謀知賊悉衆守愛子江復追至其境 **鬱馬不能前王乃下馬徒步履險兼程趨之士卒不能從惟將校百餘** 賊復驅巨象數十以為前敵列人馬于後盡力以抗我師王謂將校曰 過荷花海口洋直抵日麗賊焚堡而遁至茶遏江連進兵破之賊鶩日 人僅屬與賊遇殺數千人賊首陳季擴輕其妻子皆就擒時十一年冬 **暹蠻等處王部分將領隨處搜捕至暹蠻蒲幹等栅山徑崎嶇林菁蓊 險謂我師不能渡於日麗海口立堡以守之王帥舟師自奇羅海口洋** 用命王以軍法從事由是人人知懼不敢辭難避險是時賊恃荷花海 王旣蒞軍始大明賞罰而諸將疲于奔走往往因循玩寇都督黃中不 復陳氏爲辭大軍至則深入山海避之軍退復出用是官軍不能成功 也明年班師還京自王出師至是首尾喻三年始獲首虜說者謂王此 招撫之授季擴以布政使彼欲受命制於其黨服而復叛僞稱王孫以 卷之六十人 生

共議守備之策以圖長久之治乃曰安南從此無事矣是自欺也欺人 官土目今雖降附待之至厚焉知他日不能爲阮師景異之亂乎令成 黄公福日交趾平定以來八年之內民已三變而兵亦三加矣原其所 識若曰欺人依違取媚噤無一語直至事壞而始上瀆宸聰則亦無以 昆弟也今雖遠遁視之若小可他日焉知不能爲簡定季擴之續乎僞 兵官往鎮交趾又有平陳月胡之功十五年上以王久勞于外詔還京 矣然馭之有道則可以自安守之無法不免再變何也陳元揝乃季擴 免朝廷法度之議慮至于斯言何容已謹將鄙見逐一條陳上冀採擇 也若忍于自欺苟且偷安似爲得計然當言不言何以辭君子公論之 功之將在此全勝之兵在此吾忝為守土官不于此時際言其所以而 而季擴在季擴旣擒師鎔景異之途反仄悉在羅網而漏者似爲無事 以皆由禍本未盡除守兵不足用故也黎氏雖除而簡定在簡定雖去 役較之前平定之功爲難云十三年四月朝命王佩征夷將軍印充總 師王以正統己巳沒于王事

歸化石廩關上通雲南臨安下貫嘉與三帶水陸數百里寥寥無一城 命土兵守之如此則鎮夷監留有相應之利衞所官軍免輪守之患一 本所居中且近實為虛設如將本所移置芹站以控禦鎮夷關本關止 譚舍江說江魯江鹹子關廣威太堂等處靖安州萬寧等處太原府富 艱今將合設衛所去處開列于後演義一帶黃江上下太平等處海 所遺一分之兵守之實未見其可也必須添置軍衛補完空伍庶免後 若謂長治久安則未也三總戎若留一鎮守猶爲庶幾倘皆振旅而歸 良等處鎮夷關等處海潮希江等處一市橋所南有鎮夷北有昌江而 恐俘獻未至關而警報已轍聖聰矣盍蚤圖之一交趾原留守兵九衞 幸寬狂妄一本處地方前者賊未就擒蒙調三總戎大軍到來征守猶 煩兵屢舉今事故之後四去其三以如此險遠之地反仄之民而以舊 演義新平順化地方又闊迢迢千里無一兵守而以土兵羈縻于一時 必三年之久而始克清大憝今交趾都司衞所原守官軍見在既少而 一所七分之數通該四萬七千餘人在全盛之時而猶不能禦侮以致 | 卷之・六十人

就擒時急于用人許將各處人民聽從土官自行招集而有司官謹于 彼處衛所官軍或操集彼處附近有司民兵以充其數內摘一所于萬 關立衛控制不但服夷情抑且通道路一靖安萬寧等州縣近接雲屯 海口并連廣東欽州地方甚爲險要如將欽州千戶所添軍立衛或撥 大征立功如將本人改授武職令選本府民兵三五千名親領于鎮夷 夷關下彼處兵強弩利諒山一帶夷人畏之即今田州府知有事發隨 實是致盜常竊發路每不通如于廣西調一都指揮仍領原調官軍于 寧等處設立以控靖安地方以通廣東水路盆便一本處土兵賊首未 務要正身將帶當房家小常川在役如此庶便一廣西田州府本處鎮 丘温鎮守就行總督前項衛所土兵之能事管之嚴禁不許雇情代役 得人逃亡之數十去七八其一二分役者率皆老幼貧弱代身有名無 地方盆便一丘温坡壘隘留三衞所原聚集廣西土兵近年以來官不 三所民兵立一衛于歸化州如潼關澤川犬牙相制之例以控制上下 一有警仰之于誰莫若于臨安衛摘掇二所官軍于臨安府圾集

于今日今隨征者月久不歸家業狼藉屯田者粮徽不足荆楚連綿是 例每兵須以三丁共之官不許選以庸才兵不許雜以冗濫選集既定 合用若干衛所應與若干土兵然後照數累集總小旗千百長選管如 行取勘見數汰其老幼單弱者當民差選其富實多丁者爲兵役先議 都司布按司官嚴督府州縣官將原集土兵併官下影占家人田奴盡 致逃亡今已過半若不從新整理必致廢事壞□難救其人必須再令 後雖委都布政官清理而上官紛紛言少又不准除歸幷因循苟且至 民俱被占取者亦有一家父子兄弟自充兵及單丁貧窘自充一兵者 致剝於等村民居過河開種田禾埋葬墳墓後知偷竊往來招嫌致怨 其管軍官伴官亦如其舊例 奉命無敢有違有循情取占親戚者有挾讎取耆正吏卒者有全縣之 河其河外丘沐嶺地方雖境外空閉之地先年龍州官民往來和好以 即分地方遠近置立城堡四六或平半各奮屯守不許聞差有警不拘 □□□日議得龍州邊境與安南所屬太原等州縣邊方委的原隔一 をを六十人

歸結乞行安南國王另委公正頭目前來會勘定奪等因會呈到臣議 龍州所奏丘沐等處附近羅回剝於等村沿河一帶營棚兵守一概掣 得所呈與先勘報無異況此營欄有無不足為彼安危亦不足為我輕 司委官呈稱親詣龍州所奏地方駐箚會同安南國差來大小頭目黎 等州縣邊方戒諭在邊夷民各要照舊保守本境地方安生樂業盡將 冷村民驚疑嫌怨搆結至此合無請勅安南國王差的當人親詣太原 重但先行會勘止令廣西布政司移咨本國差官前來所以勘議示結 希葛等添兵阻當不容過瘦踏勘地方竪立碑石以此疆界未定事無 庶幾疑慮盡悉兩無猜疑仍分彼此奏准通行到臣會同行據廣西三 大界碑數處各自鈴束人民本分營生所有營棚盡行撤去照舊巡視 兵等官同踏勘明白果與先勘事理相同即與剝於沿江彼界鑑立極 擾人者就便擒拏解回本州痛加懲治等因本部行移兩廣總鎮督總 但恐安南國假此守邊之民迫近龍州之境聚設營備屯兵哨守使剝 回庶免鶩疑不生嫌怨今後邊民敢有過河越境種田收養偷竊生事

方探聽消息又訪得三五年有一江西人王姓者曾到雲南要冒籍報 劉公球日近訪得交趾著頭目換易服飾裝作客商潛入臨安等處地 責有所歸 許摘行令廣西布政司仍咨安南國王以下緊關事節不許傳聞外泄 無後言其廣西守臣仍須撫恤龍州官民勿致離間叛背此等事由止 大中至正之道可釋羣小紫蔽之嫌彼此入情于此始定行之久遠方 前來會同各官重覆勘議候事有定體各令回奏伏乞聖明裁處方合 見遽爾回遠以致事無杜絕難于回奏仍要別委識達大體人員刻期 營棚盡行撤去退守舊疆聽各官立石河邊為界使彼此邊防如舊而 原等州縣交界丘沐嶺一帶地方不意爾所委頭目黎希葛等固執偏 無查勅兩廣總鎮總督總兵等官公同再議行令廣西布政司仍咨安 無嫌疑夷民相安而仇怨可解具本奏抄到部除查該前奏行事理合 合無請勅安南國王早差知識禮法頭目前來督率邊民將前項原設 南國王大意謂爾國與本司該奉朝廷明文各委官員會勘龍州與太 刘 儿 统

シア・コン

萬三千人每處見操官軍多者不過七八百人其地諸係雜處該徵稅 交趾吞了占城之時就要乘勢來犯天朝雲南地方觀此數事則交人 然此雖由郭景誘致實乃彼之欲爲今人聞交趾走回軍人說稱在前 能京衛指揮郭景齊動一道由雲南前往逐使交人有假道赴京之舉 計雲南二十五衛所實在官軍除屯種守咱等項差撥外見操不乃 名科舉所司不容隨後其人奔往交趾受御史職事為之運籌設策提 南元江羅雄等處土官連年仇殺不聽撫化再加之以開辦銀課索取 不聊生盜賊竊發動輒刦掠殺人東備西出殆無事日加之以廣西廣 糧數多且又不通舟楫官軍糧的止葬屯田供給別無來處見今所在 雖設一衛實乏官軍除屯種守哨等項差撥外見操止有二百餘人通 奸謀詭計不言可知明者睹未萌况已見耶今臨安府密邁交趾本處 以蓮花難爲市專一收買雲南販去銅鐵鑄造短鎗曩日跟隨太監錢 兵巡邊且彼不特此一人而已亦有偽總兵等官往來巡守又聞交人 食糧不彀一年支用光兼頻年以來災荒不收今歲尤甚軍民憔悴日

発ラナナノ

等處迤西洱海大理等處在前俱有守備都指揮專一提督操練禁防 進貢等項地方騷擾人心失事況臨安雖委指揮一員在彼守備名位 衛所見操官軍于內量調四千員名分作兩班令其輪流前去臨安協 推舉相應人員另行奏請定奪外伏乞聖明憐憫地方特勅該部議合 操練慎固防守嚴加提備及將前項都指揮員缺會同鎮守巡按等官 地界官吏軍民不許私通商旅交易銅鐵等物及提督各處官軍時常 未免貽宵旰之憂除行都布按三司分巡分守官禁約接連交趾等處 之繁軍民之困職守之缺萬一交人跳梁寇兵北向雖稱爲手足之疾 盜賊俱各缺人替補然事機之殷盜賊之多兵力之寡財用之乏征科 齒騰衝二處控制外夷地方亦不能兼制臨安又照得迤東曲靖六凉 不重難以節制衛金齒雖有副總兵都督同知沐費在彼止可鎮守金 無將雲南都司所轄衞所除金齒騰衡二邊衞官不動外其餘二十二 支仍添設才識老成副使一員專一在彼整勅兵備公同守備官操習 同本處官軍舍餘在此操守半年一換上班之日照例與行粮下班住 西 1 Ą Į 《 卷之六十人

就令本布政司召商開中十萬餘引令其納折色白銀六錢于本司官 庫收貯羅買軍的不許權豪勢要之家占中奪取民利剝削竈戶仍將 寧黑白鹽井等鹽課提舉司成化四年五年六年七年八年存積鹽課 命兵部左侍郎蔡經安遠侯柳珣左參政翁萬達出師往討安南聞之 軍民安業盜賊不期息而自息矣 黎氏使不保也臣不得已苟從夷俗護印五年而大馬之齒耄矣復以 之左推右輓責以大義日不守錫實是不共天朝也不受君命是蕩析 天錫元寶爾姑于之請命以聽所立也臣恐駭逃匿國人周章索臣擁 靈削芟草竊僅有寧宇黎氏夭絕屬鑛之晨倉皇解佩印而屬之臣曰 大體登庸奉表日臣先臣黎氏之陪隸也黎氏式微國亂無象臣以皇 曰臣南裔藩黎氏之朔胤也國有不令之雄曰莫登庸者實篡黎宗西 □□□日安南不庭朝廷遣禮官往詰之瀕行有黎氏逋臣詭辭而控 閘辦銀課及進貢寶石等項暫且停止任用得人武備不期修而自修 人馬振揚威武一以防腹心之盜賊一以備外夷之侵侮及將雲南安

監之參將李榮將左軍副使鄭宗古監之都指揮白法將右軍僉事李 彷彿于斯乃見悃抱登庸頓首敬諾轅門迺啓鎮南之關奠龍輿抗黃 監之進止機宜則惟萬達與焉交人聞之愈益大懼登庸之使疊跡轅 之都指揮方策將左軍副使鄭駱監之都指揮王立將右軍副使張網 文鳳監之勒漢南勁士分爲三軍都指揮胡紹將中軍副使鮑象賢監 民之數咸簿錄之登庸獻闕下迺命兵部尚書毛伯温節制六省咸寧 夫黎氏不請而屬之臣臣又不請而屬之臣子死罪死罪謹以土地人 封題較然臣之父子兢兢惕惕罔敢專席日夕稽首北望曰天監在茲 屬臣之子十一年再嘗使款關而關令嚴不敢啓方物鮍不敢移易也 侯**仇鸞都統諸軍勒兩粵勁士分爲三軍副總兵張經將中軍翁萬達** 幄陳兵森扈登庸徒跣囚首白紐謹以先朝所錫金印一枚黎氏所侵 門懇以降請轅門僉議以爲在古降者或牽羊以表順或舁觀以請誅 進以狀聞逐並土虧易國號置都統司以莫氏為都統使世掌其土以 四峒之地遣從子文明表獻闕下以聽處分幕府解組而遣之按兵不

共王命君子以爲莫氏知命者四繫組以請死也歸地以贖罪也函印 j 卷之六十八

不死而且世官也宜哉 而獻之以完實也不貢方物以明畏也詩曰畏天之威于時保之其得

往行

塗金銀印龜紐別賜大統曆一部以寧等十月抵國界而日煃等以夏 遣翰林院侍讀學士張以寧典簿吉諒往使其國封日烽爲安南國王 其少中大夫同時敏政大夫段悌黎安世等來朝貢方物因請封爵詔 大明洪武二年高皇帝既已北定元遣詔谕海外諸國安南陳日煃遣

舜卿等請命先是占城舊原役安南歲有貢頗苦督逼而勢漸以益強 遂與安南抗日 潼數遣兵擊敗之于是占城王遣平章蒲日 蘇都等告 而加賜其國使人遷復仁等官是歲中書省禮部臣言安南高麗旣內 兩解俱罷兵復仁還奏安南國王贈遣使者黃金吉貝布不受上嘉之 急乞援兵冬十二月壬戌命翰林院编修羅復仁禮部主事張福持詔 五月先率弟日熞嗣遣大夫阮汝亮來迎請詔印以寧不可乃復遣杜

等以王日煃卒來告哀請命上素服御西華門見遣翰林院編修王廉 兹廉日浪泊日越裳宛曰九德宛俱载祀典三年四月安南使杜舜卿 請封應昂為叔明言日熞實病死叔明建于野國人請立之上曰日熞 陪臣阮汝霖來朝貢馴象禮部已受表將入見主事曾魯取表副視之 思獻方物以寧卒于道是歲冬日熞兄叔明殺日熞自立五年二月遣 學士以寧編修廉吏部主事唐臣還自安南王日熞遣阮汝亮奉表謝 往祭尋遣吏部主事林唐臣持詔封日熞爲安南國王四年二月侍讀 盧曰富良日天黄日大曆日蘇曆日三帶水六日安石淵日石龍門日 日文集日安復日卞日立石日香象日崇日都隆日測日分江六日川 狡獪如此卻不受六年正月叔明更遣使譚應昂等奉表謝罪貢方物 日先游日普賴日萬封日傑特日安子日地覲日天養日神日頭龍岱 死爾國人當為服叔明且以前王印視事自能鎮撫人民恭順無關更 日前王陳日烽今叔明何也白尚書詰使得其故奏上上怒曰島夷何 L

グラーンニノー

附其國山川宜有祭詔曰可而安南山二十一曰佛跡曰德國曰武寧

年復遣通議大夫黎亞夫來貢詔以其太數止之十年賜陳焙上尊文 绮既至端已死叔明更署弟煒代國事十一年遣使謝思貢馴象方物 議之仍賜應昂等纱羅有差七年三月遣正大夫阮時中陳謝貢方物 芹站伏咱昌江造浮横至北江府諜西平侯晟兵至白鶴遣驃騎將軍 参將統兵八十萬征之仍勅占城王木邦宣慰夾攻之十月戊子將軍 平四月辛未事聞上大怒七月辛卯命成國公朱能爲征夷將軍西平 之封其僭臣胡查爲順凡郡公盡食其屬州縣三月己巳胡查邀殺氏 永樂四年五月安南國王陳天平遷國遣都督僉事黃中呂穀以兵送 且告檔喪韶賜烽六綺鈔羅中使陳能弔祭煬 且請年老授政弟爥許之叔明既已授熾然實自專政八年端來貢九 能以疾卒于龍州新城侯輔代總其衆以進乙未輔師發憑祥度坡壘 **侯沐晟新城侯張輔為左右副將軍豐城侯李彬雲陽伯陳旭爲左右** 未樂住會課知賊衆號七百萬沿洮江沲江良江立棚以守丁未下詔 關前咱破之檄安南將吏數胡查父子二十罪丙申破雞陵關庚子搜

「名うてラーー

永樂六年八月乙酉交阯賊簡定鄧悉等反命黔國公晟率兵四萬討 萬有奇獲蠻人二百八萬七千五百有奇糧儲一千三百六十餘萬石 按三司衛十千戶所二十五州四十一縣二百八安撫人民三百十二 首數萬胡查父子脫身走五月甲子獲胡查父黎季降于海口山中乙 岸與多拜城對壘新城侯攻洮江造浮橋濟師遺朱榮擊賊敗于嘉林 之尚書劉儁參將事十二月丁酉晟與簡定戰生厭江敗績尚書傷都 五十三萬九千八百五十三件進封新城侯為英國公西平侯為黔國 象馬牛共二十三萬五千九百餘船隻八千六百七十七艘軍器二百 **五獲黎蒼于南望山即胡查也安南平六月癸未詔示天下定爲都布** 七千餘級己已復敗之于木丸江斬首萬餘辛已復敗之于富良江斬 西都屢敗其兵三江等路皆請降五年正月丙辰敗其援兵斬首三萬 以新城侯爲征夷將軍十二月辛卯西平侯奪宣江江面軍次兆江北 **江北尋克多邦城大破賊遂循富良江南下搗其東都破之癸卯復破**

等丁酉簡定及偽將相陳希葛等伏誅英國公還京八年五月丁丑點 平海口十一月生獲偽虞上皇簡定等入年正月丙子敗賊黨阮師檜 之發兵南討八月己未英國公敗城于鹹子關九月庚午復敗城于太 往討之七月丙子輔晟敗賊于月常江十一月癸亥復破賊沿海盡殲 **浩與賊黨鄧景異戰不利季擴尋請降敖之以爲交阯布政使鄧景異** 為都指揮九年正月己卯英國公仍佩將軍印率兵三萬四千合晟兵 國公晟追賊首陳季擴等于虞江破之斬首三千餘級戊寅晟別將江 司呂毅皆死之二月壬午命英國公輔爲征虜副將軍清遠侯王友副

黎利發楚蜀護衛兵二千人南直隸福建六省兵萬五千人廣西弩手 都督馬瑛充參將兵部尚書陳治仍参贊軍務往交阯等處征討叛寇 宣德元年夏四月命太子太保成山侯王通佩征夷將軍印充總兵官 之于愛子江十二年正月壬辰誅賊首鄧景異甲午獲阮帥等三月癸 其醜類十年八月癸丑輔復大破之于神投海十一年十二月復大破 未獲偽越國大王陳季擴餘黨悉平英國公等賞資加等

爲右副將軍分兩道討利升所統兩京湖湖二廣十二省兵晟所統四 為總兵官保定伯梁銘為左副總兵都督崔聚為右參將太傅點國公 率衆會善進圍東關十二月通大懼傳檢清化州迄南城池悉聽利管 縣渡寧橋遇敵大敗尚書陳拾死之通中傷而還黎利自乂安聞之自 兵為三道來逼交肚通等出戰參將馬瑛破賊于清威與通師會應等 月通抵交肚十月通所部都指揮袁亮兵與利黨黎善戰不利善等分 督方政討利敗續故也九月命鎮遠侯顧與祖以廣西兵五千益通其 沐晟佩征南將軍印為總兵官與安伯徐亨為左副總兵新寧伯譚忠 分兵擊之不能下事聞詔以太子太傅安遠侯柳升佩征虜副將軍印 屬其官吏軍民皆令出城還東關惟清化知州羅通指揮丁忠不從利 丁禮等萬餘級衆請急攻之通不决三日利兵復振三月再發諸省兵 川雲南兵合七萬人二年正月通出兵大破贼斬偽司徒黎豸僞司空 四萬五千二百人益升黎利兵陷昌江都指揮李任中官馮智知州利

三千餘人及本省土兵三萬人使將之前是交趾總兵樂昌伯陳智都

使右通政黃驤鴻臚鄉徐永達為副使齊詔撫諭之命王通等班師十 謙等俱論死錮禁之籍其家五月李琦等遷奏陳氏之當爲後者暠于 進方物請立陳氏後詔遣禮部左侍郎李琦工部右侍郎羅汝敬爲正 皆沒軍中汹汹是日銘以病死明日李慶亦以病死大兵爲賊所乘遂 復沒崔聚被擒不屈死之而晟兵遂忸沮不敢進十月事聞黎利上章 破栅直抵鎮夷關升意輕賊以輕騎百餘前進渡橋遇伏中標死從騎 子輔等俱死之入月柳升兵至隘留關具書請罷兵立陳氏後兵進累 人還三年閏四月至京文武廷臣劾奏通及馬瑛方政三司官布政弋 二月王通不俟命與利盟率師及文武官吏家屬八萬六千六百四十 老之六十人……

爲戶部左侍郎右副都御史島公韶爲爲右侍郎俱兼右僉都御史總 督糧餉璉雲貴公部兩廣都督僉事等官汪桓充副總兵都指揮楊鼎

嘉靖十六年禮吏二部會廷臣議安南僞哲莫登庸僭逆十大罪當討

正月中病死支裔遂絕于是命利權其國專而交胜失矣

詔會推素有才望大臣以爲總督等官起原任南京刑部右侍郎胡璉

安遠侯柳珣戎服行屬將禮珣不聽鸞遂劾珣上書自列詔勒鸞歸以 院學士右春坊右翰德張治爲翰林院學士齎詔及幣招翰安南仍令 帝大號皇祖證號陛丁憂服滿禮部右侍郎黃綰爲本部尚書兼翰林 軍印充總兵官總督征南諸軍工部尚書毛伯温爲兵部尚書兼右都 **顼代之本年伯温等至廣西徽集兩廣福建湖廣狼土官軍十五萬幷** 忤旨罷之仍命仇鸞伯温南征十九年鸞至廣東挾璽書責征蠻將軍 暫俱停止十七年命寧夏鎮守總兵官咸寧侯仇籌還京掛征夷副將 傲雲南守臣及諸司俱會議分正兵為三咱分奇兵為二咱烏雷山等 使臣阮文泰等奉表款鎮南關請降復命禮兵二部會議尋以館它奏 至承天行在面諭行事蓋欲寄以相機攜討也十八年登庸子方瀛遣 御史參贊軍事尋以兵部覆議用兵事不稱旨復暫停以恭上皇天上 胡時濟往雲貴各紀功起復右副都御史毛伯温至京將命之率師已 兵征討兵科給事中李鶴鳴御史傅鳳翔往兩廣給事中馬汝章御史 田茂充左參將孫繼武充右參將泰蕭鼎湯慶陳偉充遊擊將軍各領

長され十人 安市

能舉郡縣來降者即以郡縣優之擒登庸父子降者賞白銀二萬兩官 等約四十餘人入關銜組繫頸詣所設關廷徒跣蒲伏驛上降表復詣 聞之懼遣使詣軍乞降詞頗卑切伯温等承制許之會登庸子方瀛已 定馳檄安南吏民論以朝廷與滅繼絕之義討罪止于莫登庸父子有 從二品子孫世襲別給印信舊所僭擬制度削去改正海陽山等十三 疏言狀下兵戶部議上命降安南國為都統司以莫登庸爲都統使秩 軍門再拜盡籍土地軍民職官悉聽處分欽州所奏被侵四峒境土願 死乃于十一月三日留其孫福海守國而自與從子文明大酋阮如桂 以顯秩其登庸父子果能束身歸順亦待以不死伯温等師近邊登庸 朝輔安遠侯柳珣提督軍務侍郎蔡經巡撫都御史汪文盛等部署已 峒侵地還屬欽州廣西布政司歲給大統曆俾奉正朔三歲一貢乃加 路各置宣撫司設宣撫同知副使儉事各一員更襲黜陟俱附登庸四 以內屬仍諭奉正朔舊賜印章護守以候更定伯温等乃論之歸而上 處水兵爲海咱及議雲南所集漢土兵于蓮花難爲兩咱與黔國公沐

林魚憲希元爲南京評事日以忤當事棄官歸世廟登極方公獻夫霍 計乎利與害者臣希元是也天下聞而壯之疏入忤旨遂落職知欽州 達等進一官輔臣夏言仇鸞以决策功郭勛禮部嚴嵩以與議及仇鸞 伯温太子太保蔡經右都御史珣太子太傳朝輔太子太保參政翁萬 **欲如國初郡縣復也奈夏公言素不悅公因排其議以保境息民為詞** 境而登庸子方瀛已爲其民所殺登庸計窮納款終始悉入公策意义 省臣調集兵糧以待而特遣本兵毛公温咸寧侯仇公鸞徂征未入其 會安南事起公議復四峒上言安南可取狀凡六疏上覽奏甚悅命四 死力以定國家之是而不條乎疏與戚犯忌諱以决天下之大計而不 窘辱之朝議差官體勘公上疏極論姑息之弊請用兵且曰人臣有出 為當道所阻秩滿留北會遼東軍士以都御史呂公經清屯田不便已 公韜薦魏公校與公起大理副時大同軍叛公連上二疏詞極懸切竟 **汪文盛兵部張瓊等賞齎有差** 天子竟不懌而罷姑以安南國為都統司登庸為其使其實安南未嘗 * 卷之六十人 去自 果鄉 二十四

請改國號詔更國號日朝鮮其國分人道分統府州縣按高麗自晉始 畫慈悲嶺爲界本朝洪武二年王顗表賀太祖即位賜以金印誥命封 **頁遼金歷四百餘年未嘗易姓元至元中西京內屬置東寧路總管府** 徒在鴨綠水東南千餘里五代唐時王建代高氏闢地盆廣併古新羅 爲公孫度所據傳至孫淵魏滅之晉永嘉末始爲高麗本扶餘別種其 帝定朝鮮爲眞番臨屯樂浪玄養四郡昭帝併爲樂浪玄養二郡漢末 朝鮮國周爲箕子所封之國泰屬遼東外徽漢初燕人衛滿據其地武 高麗國王二十年其門下侍郎李成桂主國事更名且徙居漢域遣使 百濟而爲一遷都松岳以平壤爲西京其後子孫遣使朝貢于宋亦朝 為司登庸使號亦未受也干載之功竟以一言阻之良可惜哉 建國至是八百餘年易三姓在唐以來所謂高麗者止是一國五代以 王高建居平壤地樂浪郡也唐征高麗拔平壤置安東都護府其國東 朝鲜 前言

其命華夷擾亂十有餘年當羣雄初起時狀為淮右布衣暴兵忽至誤 洪武元年月壬辰遣符寶郎傻斯奉璽書賜高麗國王顓日自有宋失 彼一國者依吾暘谷之隅庇吾扶桑之蔭而其所得之光輝獨先於他 之遠無所不燭彼夫星羅棋布之國寸地尺土莫不在吾照臨之下而 其國朝鮮有之雖然先儒有言君臣之道各欲自盡而已彼既盡夫畏 恭順朝廷四時朝貢不廢禮節蓋得小國事大之禮孟子曰畏天者保 襄比隋唐之時已數倍矣然其國頗尚禮義安分守己自入國朝以來 御天絕其祀元非我類入主中國百有餘年矣天厭其昏淫亦自殞絕 是固德化感召之使然而亦壤域接近之故也 國者非有所私近故也昔唐太宗以英武之君親駕於樂浪玄菟之境 天之誠則吾所以待之者可不樂天以自居哉仰惟大明麗天而萬方 入其中見其無成憂懼弗寧荷天眷佑授以文武東渡江左習養民之 而不得志我朝開明堂而受其朝歲時節令序而貢幣往來曾無虛日 L ***

後乃幷三韓百濟而一之在勝國時猶有就羅今就羅亦爲所有其土

卷之六十人

昔我中國之君與高麗壤地相接其王或臣或賓蓋慕中國之風爲安 帝位定有天下之號曰大明建元洪武惟四夷未服故遣使報王知之 生靈而已朕雖不德不及我中國古先哲王使四懷之然不可不使天 道十有四年其間西平漢王陳友諒東縛吳王張士誠南平聞粵戡定 八番北逐胡君肅清華夏復我中國之舊疆今年正月臣民推戴卽皇

罪深矣非爾國執政大臣來朝及歲貢如約則不能免問罪之師爾之 來誑我今命爾歸當以朕意言於首禍之人曰爾殺中國無罪之使其 洪武十一年戊辰遣高麗使還以勅諭之曰汝承奸臣之詐不得已而

下聞之餘不多及

萬揚帆東指特問使者安不盡滅爾類豈不俘囚其大半爾果敢輕視

所恃者滄海不知滄海特與吾共之如不信朕命舳艫千里精兵數十

洪武十三年勅谕遼東都指揮使司日五月二十五日得奏知高麗周 誼至遼東狀觀其來夷之詐將以搆大禍也此來豈能必哉爾等鎮戎

之心及復懷許令誼作行人假相計事此非有謀而何前元庚申君嘗 物宜卻不受仍與高麗王言誠欲聽約束則當以前五歲違約不貢之 至今高麗既專臣妾永守事大之誠使者慢命無禮當詰其罪所貢方 然以發使之事論之非其酋長與其臣之過乃使者故爲侮慢過期而 貢不如約五年矣今後以慶禮來進又非其時而至其非侮之甚數雖 諭其國曰高麗遠在東鄙異者來奏願聽約束其中多懷欺詐朕所以 洪武十六年高麗國王遣其臣張伯崔涓貢方物詔卻之且命禮部咨 遣誼至京別有以處之 索女子于其國誼有女入于元宮庚申不備毋使人窺中國也勅至當 責之後縱其歸今當如約則事大之心其庶幾乎使既還未聞有敬畏 邊方不能制將爲人所制矣且高麗國朝貢前以建約朕嘗出其使詰 **勅曰舊歲今春高麗之使水陸兩至皆非臣禮暗行侮慢明彰褻瀆于** 不納令其自為聲教其後數來請命股將以為誠意致極所以限其歲 馬及金銀幷至則可見其誠意也是月諭遼東守將唐勝宗等絕高麗 Ļ

城困將亡率降而免唐代四次斬首五萬級牛馬八萬餘夷王臧等戮 其子奭復癡騃守門下侍中鄭夢周嘗以前者欲攻遼東爲李成桂所 定昌國院君王瑤權國事及今四年又復昏迷不法聽從讒離問勳舊 知負罪惶懼避位于其子昌國人弗順啓請恭愍王妃安氏擇立宗親 殺無辜至欲與師侵犯遼東其時大將李成桂以爲不可而回軍祸自 國自恭愍王薨逝無嗣權臣李仁義以辛肫子稱主國事昏暴自恣多 洪武二十五年高麗知密直司行事趙胖等持其國都評議司奏言本 如約亦不可久留遼東或朝或歸速遣其行 夷王竄躭羅捕殺之元以躭羅牧馬之野今爾勝宗等出鎮邊左高麗 魏伐二次屠其所都晉伐一次焚其宮室俘其男女五萬口隋伐二次 必數有使至者送來勿令其還以絕彼奸計若納其使而禮待之歲貢 于市遼伐五次焚其宮室斬亂臣康肇拔十餘城金伐一次元伐五次 事蹟可以絕交不可暫交沉深交爭曩古侮漢漢伐四次絕滅其國族 是稽于古典知此夷自古至今未嘗不侮慢中國而構兵禍者也驗古

■ 卷之六十人·····

諸將折珪擔爵享有天年奈何高麗屢懷不靖詭詐日生數構釁端屢 直五百餘人潛渡鴨綠江欲寇遼東上日李日方來奉貢而復欲寇邊 幾及二紀狀訓將練兵掃除羣雄肆征不庭蠻狄服化鋒刃鑄爲農器 是其自生釁端遣使動之日昔在元季羣雄並起中原擾動民被兵災 之從其自爲聲敬果能順天道合人心以安東夷之民不啓邊釁則使 僻處東夷非我中國所治且其間事有隱曲豈可遠信爾禮部移文知 耆老與推成桂主國伏惟聖裁俯從輿意以安小國之民禮部侍郎張 洪武二十六年遼東指揮使司奏牒知鮮國近遣其守邊千戶招誘女 命往來實彼國之福也 智奏其事上日我中國網常所在列聖相傳守而不失高麗限山隔海 以當輿望者惟門下侍中李成桂中外人心皆歸附于是臣胖與國人 今年七月十一日以恭愍王妃安氏之命退瑶于私地擇于宗親無可 間等國中臣民多被殺戮羣臣國民以社稷生靈爲慮謂不足以治民 阻致令朝廷索取馬匹以此讚于王瑤謀害李成桂及趙俊鄭道傳道

シスコ アレント こ

十七一

足以廣衆得地不足以廣疆歷代所以征討者皆其自生廣端初非中 適月方來謝思何其不守尊卑之分乎狀視高麗不啻一彈九僻處一 國好土地而欲吞併也朕聞金世宗時高麗函進表啓惟小石數枚及 隅風俗殊異彼狡焉思逞則命將出師直搗對馬令片帆不返得人不 國號狀旣爲爾正名近者表至仍稱權知國事又先遣使遼王寧王所 滅君誅監戒甚邇爾循蹈其覆車之轍豈非愚之甚乎往歲請令王昌 再伐高麗之民死傷途地唐兵討爾弑逆平爾土地為九都督府遼金 絕王氏自取其國朕以爾能安靖東夷之民聽爾自爲聲教前者請更 入朝朕已不許及後以瑶任國事遂以其子奭還國瑶已被廢爾乃廢 至元爾國屢造釁端殺其信使由是屢加討伐宮室焚蕩民被虜斬國 二、心與吳通好魏亦再加兵討晉以爾悖慢焚爾宮室俘爾男女隋兵 人潛渡鴨綠江意將何爲昔在漢時高麗由是敗滅及曹魏之時陰懷 王顓被殺及朝廷使令爾方遣使入朝聽約束而迺陰令邊將誘女直 肆侮慢誑誘小民潛通海道朝廷命將鎮守遼東輒遣人以金帛誘之

一名マフナー

豪傑精銳四方大定無所施其勇帶甲百萬舳艫千里水繇渤澥陸道 漢唐之兵長于騎射短于舟楫用兵滄海或以爲難狀起南服江淮之 改前過狀亦將容爾自爲聲教以安夷人若重違天道則罰及爾身不 舌 遼東遼東安各鎮無杌隉矣况先聲奪人又有以膽落氈裘者乎難者 多侈慢計在思恵預防勒兵屯守如儒者劉江之捷則保朝鮮所以保 可悔 明示禍福之機開爾自新之路爾能以千戶所誘女直之人送京師盡 遼陽區區朝鮮不足以具朝食何足以當之雖然際天所覆皆朕赤子 間混一六合攘除胡虜騎射舟師水陸畢備豈漢唐之比哉百戰之兵 如是乎爾之所恃者以滄海之大重山之險謂我朝之兵亦如漢唐耳 者也近者爾國入貢復以空紙圈數十雜于表函中以小事大之誠果 賀正稱進玉帶驗之乃石世宗由是與師破數十城此前代事之可見 日東陲之有朝鮮猶西陲之有哈密朝鮮可保哈密獨可棄耶噫此往 □□□日朝鮮連年被倭李昖結款之請情涉齡虧清正上通之書語 卷之六十人 二十人

遂亦以和自緩令得添兵運的弄我于皷掌之上則始事之失計而誤 封倘尚禮義世爲我不侵不叛之臣與隔衣帶一水東藩攸賴倭窺鮮 原覆將蔚山喪師令倭獲盤全慶之墟特三路以當我則中事之失計 罪致討而邢總督玠楊經略鎬復率李大將軍如梅等集水陸師十萬 中狡謀也比封事一敗正使遁歸石大司馬星且獲罪乃始大出兵聲 倭避我銳而陽且以和緩我我因而誘之奪其城奈何膽一震于碧蹄 窺我之漸勢不得不爲疆摥憂蓋始時我實易倭而僅以三千人往接 綠剝床之憂實中遼左誰爲我分緩急者又烏得與哈密例論也 西域之貢苟朝鮮失守東連日本接琉球茫茫大海順風揚帆直抵鴨 密既失猶有海上諸虜可結以思收真近境西制土番北制瓦剌令職 事之不可悔者也若朝鮮則勢猶可以自完屯兵海島即成藩蔽况哈 以往稷山 **旣遭蹶乃命宋經略應昌率李大將軍如松提十萬師以往平壤之捷** □□□日邇者朝鮮之役衆爲政而議蓋大譁談者日鮮爲囤箕子故 一勝水源再勝青山三勝業已稍振我軍之氣矣未幾而南

後田里蕭條有可耕之地無其人而不為撫若然者鮮始不自謀而我 道不容騎窮日無棲可關可险固王京以南天險也而不爲阨兵燹之 上一捷蓋亦得不償失而竟令得志去矣則終事之失計而局苟結也 復不爲鮮謀已事之疎也不及追也顧令倭雖去避我兵之鋒不復更 乎啓局以揖盜而又釜山僑居互市之倭又設防閉各島堪戰之舟師 夫朝鮮之爲國雄據入道兵勁食饒原自不乏禦備之具乃對馬一島 翼倭爲蝴蝶陣十八人曜而前我師大北已乃贈金帛助之歸即有海 萌跋扈之想而終不再逞乎我雖暫弛蓛鮮之担抑亦可以威力遙制 十萬衆每憤憤掉臂可思威用也而不爲收竹嶺烏嶺一帶峻巖舒邃 不多練抽于裹糧以素未習之兵負重而戰敗道也而不爲戒奴丁幾 猥于天順年間輕割以資山城君出亡之弟周以栗帛致爲歲例猶之 路攻城無策發熕自焚彭信古實階之禍而我又不設老營不張左右 倭而鮮終足恃我無恐乎竊以爲陽爲款順而陰計未消外若教寧而

而兵鮮勝算也又其後秀吉旣死倭將遁矣亂可乘也怠可乘也乃中

到勅諭節該前勅所言拒絕野人女直不許容留一節尤須謹守今後 朝鮮國權署國事李弘暐奏景泰三年五月初三日陪臣安元慶齊捧 邊之精銳半爲耗損一日有急誰復能北支虜更南支倭令兩無乏乎 海上非無兵也而各司防守勢不足當性像之用况以瀕歲與戎而諸 求者法曰勢均以一擊十曰走兵無選鋒曰比言兵之貴多且練也今 境臣安敢稽留謹當欽遵勅旨施行具奏該部官欽奉聖旨兵部知道 容留矧今累降杨瀚聖諭切至臣尤當欽依謹守在先被掳漢人逃至 此臣先父珦未及回奏不幸薨逝臣竊照所有野人女直本國內不曾 如有再被掳去漢人在外國邊境者仍須差人管送前來尤見忠誠欽 別無定奪合無請物就令本國差來朝貢使臣齎回朝鮮國獎論權署 欽此參照前事既已將被據男婦王教化等二十九名解赴遼東交割 哥等共二十九名口解赴遼東都司交割今後如有被掳漢人逃到邊 邊境隨到隨解不敢稽緩今次又將被據逃來男子王教化婦女尙赤 內憂方大則議兵議食議戰議守識將議法諸方略有不容不扱汲講

盜稱守者又為需索抑勒得無損威重耶沿江流民耕牧壓境時有移 營野宿故東胡時出刦掠乃設鳳凰城以防衛之或乃潛通互市相誘 魏煥日朝鮮在我朝爲不侵不叛之臣自場站抵遼陽六百餘里皆連 左券神聖之所豫謨有國家者其可忽哉 及于今兹藩封勿替可謂盛矣而襲休日久積弱形成高皇前言徵于 來此柔之而愈服雖招攜有經亦先聖之遺化也威榛初與逆取順守 葉向高日隋唐之際高麗勍矣觀其勤萬乘抗前旌固東夷之雄也明 男婦多寡必須送還以答朝廷禮遇之意以守先王臣順之道如此庶 後宜益勵臣節恪遵朝命凡我夷部落來永遠不許侵擾中國被搶來 又能將我邊原先被掳去人口送去軍前具悉忠誠特加旌異自今以 國事李弘璋嘉其能繼先志保障藩籬效順中國不肯容納外夷之人 文置之不省又非樂天字小之義矣嗚呼吳楚之爭起于採桑女子天 興鴻沐仰流皇風淪被俎豆詩書爲冠帶之國聲教遠矣彼威之而不 可以慰遠人之心而爲保邊之助景泰三年七月初十日奉聖旨是 đ Ļ

卷之六十人

*::::

毛文龍接件院臣李聲遠馳啓節該本月初二日副總兵所送軍兵三 天啓二年朝鮮國王李暉直陳黜虜誣枉疏曰六月初九日據副總兵 言極是謊詐副總兵雖已知伊情之不實展轉傳訛不無遠近之感合 之等語據議政府狀切照前項眞達欲圖不死假托我國之人造出兇 此事情再三論辨于副總兵則日我之涇渭已明于中豈侍爾言而知 委極痛惋聞者不辨是非悞其邪說誠本國之不幸着令道官朴更將 者此胡欲爲生計以爲我國之人則副總兵必不殺之如是飾詞欺上 百餘名回自湯□擒斬假達五十餘名生擒眞達等五名前來獻捷眞 是兵家之不容已之事也奴城情秘無路調知或使小邦時時往來去 先具本備繇奏聞天朝以辨誣枉等因具啓據此臣竊照偵探虛實乃 通事以護送金元帥出來被捉其他不測之說皆是構陷我國之辭意 達五名內有所供或稱俺乃朝鮮國穩地通使人出來被捉或稱滿浦 下之事未有不始于纖微者也可不慎哉 年鄭中信之往採何瑞國之遇害胡書之投送無不奉知于副總兵豈

忠節其一切同仇犄角制勝佐天誅以奠藩服該部知道 情不得不悉陳于宸嚴之下伏願聖明曲諒小邦被枉之情洞察點虜 之傳或亂于人聽投杼之說或入于慈母此臣之所大懼者也小邦事 其中妖妄盡此類也設使此言之流于上國必未免有所致疑而市虎 其間相去幾至千里係是小邦邊地而互相稱說又以護送金元帥爲 滿浦人莫適所從穩城在于小邦咸鏡道滿浦在于迤西平安道地方 馳奏賊虜之凶猾益甚奉聖旨據逆奴情形該國捍禦具見爾邦君臣 奸詐之計將臣此疏亟下該部痛加辨析大釋羣疑不勝幸甚朝鮮國 推之虛誑之狀不待辨別而自明矣此外所傳無非構陷小邦之計而 說則尤談妄而不可信彼所謂金元帥者卽指被擴人金景瑞也伊係 天啓三年督的侍郎畢自嚴奏日李綜之事臣以爲不必議討者有二 賊營已經五載賊虜以此為奇貨不肯放還矣安有護送之事乎據此 而其不可遽封者亦有三李綜篡主自立雖犯無將之戒然爲李昭之 有密地使人之事乎今者被擒之人詐稱小邦之人或稱穩城人或稱

平卷之六十人 ##

者一也通奴之顯迹未著享王之常禮未失且其卽位數令頒布國中 必當先議與師航海萬里勝負難必窮兵遠鶩非力所及是不必議討 孫李暉之姪支派頗正且其假義國中臣民率多歸向今若輕言廢置

近聞毛帥自用銀往安州糴糧五千亦未遏糴總之毛帥之居皮島四 咸以恭順天朝爲念以協力助兵爲辭豈其以此翹前王之罪過而躬 李綜篡主之後每有公務與毛帥往來固非大有協濟亦覺別無齟齬 自蹈之萬一更置不得其人違順即逆厥計良左是不必攻討者二也

事所謂欲加之罪何患無詞也若中國不爲一言昭雪而輒封弑逆之 無爲有識者所笑是不可遽封者一也李暉之事天朝也甚謹助兵于 姪弑叔旣逭天誅遂叨封典煌煌綸音驟加匪人彼箕子禮義之邦將 三也惟是君父大倫炳若日星亂臣城子宜膏斧鎮李綜以臣弑君以 面皆水與前駐宣川時依倚朝鮮大是不同可無他虞是不必攻討者 四路進驗之時又助餉于毛駐師之日其有功于天朝也甚鉅彼國家

人幽冥之中未免負此忠順外藩于地下是不可遽封者二也李綜素

箋一切方物姑寄別所即令來使言旋齎明旨詰問要見李暉是否當 天啓三年御史彭鯤化以朝鮮交變不意宜嚴山海之防疏曰自全遼 尤奥緊要着巫宜申飭者也 鲜者寧稀勿多寧簡勿煩仍令謝絕一切交際毋得黷貨致輕中華此 權廢經天朝之綱紀大伸而屬國之邪萌自戢矣說者又欲遣官前往 劉奴功績昭著而後封之庶幾操縱在我剛柔互濟不以思掩義不以 誅李綜是否當立侯其輪服請罪往返再三而後許之不則俟其進兵 險亦不可遽與以封爵之榮使其狃而成玩俟其請封使至止收其表 是不可遽封者三也以臣愚見固不必窮治其篡立之罪使其挺而走 據其咨文雖稱權署國事然而居王之宮服王之服行王之政存無辭 服反有褻于國體似未爲得策也至于以後中國之使其以公務入朝 查勘區處未爲不可但官卑則不足以示重于外夷官尊又恐負固不 尊居卑拱候册封光景誠恐別有肺腑遽難方物沉慮觀變向背倏忽 Ą をマンハー人・無罪

稱狡猾語言應對之間不失恭順天朝之意而其處心積慮尚屬叵測

不容緩矣天啓三年遼左之失皆自偵探之不早賊已近城而尚不預 **欲引兵而西恐搞其巢不無狼顧故關上得緩須臾大都得此力今讀** 待而發或因朝鮮國雖弱而頗大有毛文龍在島與之犄角為牽制奴 防也今我之動靜賊無不知而奴之消息杳然無聞萬一出其不意何 不可少亦不過存此體面先自治而後治人總繆牖戶爲保關計萬萬 危關恐難以九泥塞也今聲罪致討力不能支勢亦不便文告責論雖 失其左軍义難久居牽制無人奴得安意西來無復東顧之憂矣山海 朝且為倭壻與奴連若舉朝盡歸順奴酋其勢益大如虎生翼毛文龍 盡失中外僅隔一關其勢危如累卵而奴酋不卽來者雖養威蓄銳有 厚而好民甘心爲奴効力雖奴酋揮金不吝小人易爲利使何至人心 制人而不制于人向來遼城之不守皆奸細之內應祖宗德澤天高地 以應之宜募敢死之士遠探夷奴情形勿止憑外國之口捕風捉影庶 旦爲姪所廢彼先自亂安能助我况無君之人豈肯向義効順助力天 **邸報忽聞該國內變國王李暉十數年來忠順之臣不聞有大過失一**

大局一在關門一在海外其犄角之勢同其所關成敗之數同其兩不 為上呂宋火砲閩中放之既效今澳夷遠來矣已有放砲之人而尙無 鮮者毛鎮也駕馭毛鎮者登撫也傳云以相忍為國又云師克在和今 案呈送兵部抄出武之望題前事奉聖旨云云欽此欽遵爲照國家兩 天啓五年十二月兵部為海外情形微變屬邦攜貳可虞等事職方司 行而已 患不致臨渴而掘井也此三者皆顧犬補牢之意惟嚴加責成着實學 與屬國之臣又不和使敵得以伺其便而抵之戲此奴之利中國之大 相下而成相逼之形又同且以海上言之牽制奴酋者朝鮮也聯絡朝 查搜捕容隱不舉者事發連坐庶戎狄不伏于肘腋也中國長技火砲 多爲所買大可恨也今前後捕獲雖多而此類實繁我之人不能向東 可放之砲宜勅當事者速如式製造預先演熟安置關外庶幾有備無 日詬誶之事起以小不忍成其爲大不和擅臣與鎮臣不和以至鎮臣 步彼之人隨兵俱來火藥之焚多出此輩諭內之五城外之有司挨 =+=

はなうこうトーし

由終始我毋亦是疆場之事一彼一此彼有內變我則靖之彼有外侮 撲滅之韓潤等之匈奴也亦何難出多方以誤之而誘其來而鮮人所 乎守鐵山之謂守土乎抑守須彌島之謂守土乎毛鎭于此必有所以 之收保借以為人胡之役未可知也但謂之守土守鮮土乎抑守遼土 又或者營室須知直以退為進而所云相保無虞免守土責正如李牧 焉爲一麗紙麗多與之較往來之厚薄明甚不繳耕牧之遼人實逼處 謂鮮人有二心則可不謂鮮之攜貳竟以施之毛鎭毛鎭故以豪傑自 至于大典國家豈不能馳一介往問其故而輕置之如綴旒然倘亦明 審處矣今據揭報李适等之叛主也該鎮撫不憚出偏師躡其後爲之 命征繕而所云米價不償正如秦之輪晉借以爲沉舟之役亦未可知 此以爲鮮人惟蘇憂明甚而賣賣以爲言者或亦少資其鎮廩牽牲以 命者也豪傑之作用規其大不規其細能爲合不能爲其離其不屑屑 以封鮮之德予毛鎮以便毛鎮之能用鮮人耳故使他人不和于鮮而 不利也蓋先是李綜之無國而有國也文龍與有力焉雖日強以戎索

我則驅之使封畛五路大有寧宇正文龍今日事耳若猶是退據深島 第俟其來爲之羈縻于此以徐觀其變或于其竣事而返也付之該鎮 曹四夷館查報義立並未來京無憑譯審且義立之叛蓋叛鮮也且宜 置將大局一新必有國手之錚錚者後起以應其求而先聲以奪其氣 不得不預防者即轉而爲關計自宜因而戒嚴倍修守備况近日者柳 解俘官伴與俱往聽鮮人之自治亦甚易事其現在陪臣令館人概行 就鮮國爲內應原不須謀差天朝而後爲內應縱使其人事誠有之亦 使鮮之人日嫌于逼必不其然至于尹義立之爲內應臣部即移文禮 國牽制奴酋此係毛文龍事韓潤溫尹義立輩著朝鮮國自行處分登 及而尚敢爲此泄泄乎所賴皇上遠爲照燭擔不完點在有此一番易 河之弧關上宜鑒前輟凡有守土之責者盡法無盡維新是圖猶懼不 記訪不得私易禁物自有典屬者在至云聲東擊西此眞毛慮思之用 萊擇鎮務與東江同心共濟仍嚴飭內備譏察非常以消窺伺 何鮮之不効順何虜之不效數而又何奴之不成擒矣奉聖旨聯絡屬 Ğ 朝林 流珠 占城 三十四

卷之六十人

宣盡心教之人日行故事爾奚庸教宣曰夷狄慕中国來學不盡心以 誨迪之是遏抑其良心也外國生俱感厚贊金以獻再固卻之外國生 授庶吉士曆官南京工部尚書嘗爲南司成琉球諸國遣子弟來就學 劉宣字紹和安福人景泰庚午以儒士舉順天鄉試第一辛未成進士 **必死有買文令之邊患三衞為緊女直次之朝鮮無患** 令給衣糧館件遼東示以歸路除夷自陳本米盡失歸將不能自明罪 賴半板得無死隨漂抵依岩都值巡海官軍舟至載入浙境事開朝廷 以開被命宣受毋辭宣乃受 流球 □□□日弘治七年朝鮮之海內南夷有輪米其國而獲舟于海者夷 占城 往行 前言質

前言 ■

無預矣公日中國爲四夷主乃棄之耶宜選大臣至彼詢議擇從所宜 臬送之還國尹公直在內閣詰日還國遭殺何如洪謨日于彼殺之我 占城王古來爲安南所逼棄國來求援禮部尚書周洪謨請命廣東藩 往行

李孟赐字時雇號南岡睢人成化壬辰進士歷官南京工部尚書計偕 既第初授戶科給事中甲辰使占城時占城為安南所侵其王爲安南 日入南監肄業時大司成邢公被謗公率同列上書辨白義聲振一時

庶不失遠人之望因簡都御史屠鏞往

攘所封印故復遣公封王之次弟古來公行上言占城險僻去南之構 **厓州而定其封弘治戊申始歸** 仍勅安南悔過上悉從之乙巳遙擢都給事中留廣中數年卒致古來 未靖而提婆苔又當竊據萬一弗順損中國威宜縱其來使傳命古來 所害朝廷遣使封王之弟齊亞麻勿菴未至而勿菴死其臣提婆苔者 占城 三十五

憲屠公不鄙夷我陋邦瑜嶺海察事機合衆議以册印畀之臣又告安 之虐奪臣國授之以冒天朝之封臣投命無地賴先皇帝大恩命副都 弘治三年正月占城國王古來言往者安南國王不道納臣叛將而助

獲返國以有今日皆聖天子盛德與屠公之功臣表謝外有白金若干 **錠黃金器飾若干事異香番物若干 盧附使者以謝屠公敢昧死上請**

南數其不能恤鄰抑其奸萌道之遜順安南自是不敢肆其兇狡而臣

泥國冬十月由泉南入海四年春三月乙酉朔達闍婆又踰年始至其 洪武三年秋八月行省都事沈秩與監察御史張敬之等奉詔往諭渤 之有上不允鏞又怨辭曰臣不佞臺憲之長也而受外國金其何以率 上嘉其誠命鏞受之鏞固辭曰綏遠之仁繼絕之義在聖天子臣何功 下聞之四方雖天語再臨臣不敢奉詔上命貯禮部備公使之需 渤泥

國國王馬合謨沙沙僻處海中倨傲無人臣禮秩令譯人通言曰皇帝

耳王曰容與相臣圖之又明日其相宗署來使者之言良是以五月五 爾非有他也秩曰皇帝富有四海豈有所求于王但欲王者一示無外 于道王即行已晚何謂三年王日地瘠民貧愧無奇珍以獻故將遲遲 後國少紀造舟始入貢耳秩曰皇帝登大實已有年矣四夷之國東則 秩即折之日王既知爲君父尊爲臣于者奈何不函數王座而更設香 抗天威耶王大悟舉手加額日皇帝為天下主即吾之君父安敢與抗 撫有四海日月所照霜露所墜無不奉表稱臣以渤泥泥丸之地乃敢 中國臣耶闍婆向不稱臣于國乎何有使者還朝天兵且多至雖欲堂 而退明日王辭曰近者蘇禄起兵來侵子女玉帛盡爲所掠必俟三年 腑悔何及乎宗署悚然曰敬聞命矣乃入白王王大會其屬共議遣亦 闍婆矣王惑之秩復走見王王辭以疾秩大言謂宗署曰爾謂闍婆非 几寅詔書其上命王帥官屬列拜于庭秩捧詔立宣王俯伏以聽成禮 ð 日本高麗南則交阯占城閣婆西則土番北則蒙古諸部落使者接踵 日成行闍婆有人間王曰蘇祿來攻王帥師卻之又聞歸誠中國無我 見機 卷之六十人 三十六

之王曰使者之言如此子中心釋然矣王舉酒爲別酎地祝曰願使者 字甚鄙陋不足觀皇太子牋用銀文與表相類其地炎熱多風雨無城 逸曰使者不受刀布爾等必不還矣秩恐王不喻復走王所反覆譬曉 胸繫花布散髮跣足其物產只黃蠟降真龜筒玳瑁梹榔煑海爲鹽瀝 輿出入徒行城中不滿三千家多業漁剪髮齊額婦人衣短衫僅蔽腰 郭樹木栅爲固王之所居若樓覆以貝多葉王綰髻裸跣腰纒花布無 頂生玳瑁大片龍腦黃臘降真諸香其表用金刻番書彷彿如回鶻文 麻逸等入見錫宴于會同館已而遣歸寵資其王甚厚云其所貢物鶴 早還中國願亦思麻逸早歸鮍邦秋八月十日還京師十六日以亦思 書于板中縣之旣與王別舟行至海口王又惑左右言令人與亦思麻 爾曹宜効之秩以涉海萬里不可以無紀乃與敬之各賦一詩王大悅 近侍曰中國使者潔廉乃如是耶闍婆誅索每無厭况強之而不受耶 思麻逸等四人入朝臨發王以金佩刀吉利布爲贈秩毅然辭之王顧 椰漿爲酒無稻麥捕生魚蝦蟹食之兼食沙糊沙糊者取樹實爲漿澄

表來貢元豐五年二月其王錫理麻喏復遣使如前自後更不聞元有 警服其心亦可謂不辱君命者矣秩字仲庸湖之烏程人敬之字某某 國百餘年亦不復至方今聖人在上德威之所被無遠不屆重書一頒 興國三年王向打始因商人蒲蘆歌遣使弩副蒲亞利判官哥心等資 各三十日程去三佛齊四十日程歷代未常朝貢故史籍不載宋太平 泥在西南大海中所統一十四州去闍婆四十五日程去占城與摩逸 是日作佛事若燕饗則封羊豕鷄鵝鳴皷擊鈸以為樂此其大凡也渤 州人二人協心謀慮無役不偕故卒能成功云 報稽首臣服稽之往古允謂過之至若秩等奉宣德意解令所加足以 書典禮以刀刻貝多葉行之事佛甚嚴以五月十三日爲節國人亦于 漉腻爲粉食之能不飢食無器皿以竹編貝多葉爲之食畢則棄之番 Ğ 佛朗機 往行出 前言

一をさっ十八

潜光

節助機

往行
何鰲字子魚□□人□□□□進士歷官福建左布政當爲御史時佛
郎機以素頑黠假以貢爲名兩臺不許逐治區脫東莞之南頭潛至京
師見部不拜朝班位先諸夷鰲與御史丘道隆奏驅之出境人謂粵之
不胥而夷鰲有力焉

	卷之六十九	西国规见统
		前言
		透林示
	王崇古	胡谈
		往行
	于愼行	張居正
		細油
		指黨
		往行買
	佚 , 名	丁元薦
于慎行	王鏊	吳時來
		相信
		將權
		兵部十八
	之六十九目錄 # #	西園聞見錄卷之六十九目錄

威繼光	資	往行	何棟如	黄光昇	劉彪節二則	程文德	袁表	譚學	前言	車戦	往行買	于愼行二則
	佚 名		罗鹿四日	王錫爵	葉夢熊五則	陳建二川	劉大夏	李賢				何喬新
	陳珂			李宗言	佚 名	馬文升	胡松	劉天和				朱儀

馬難于調養又設總督都御史如劃產總督則嘉靖二十九年添設也 于是巡撫得以制總兵而事權在巡撫矣又因巡撫事權輕而各鎮軍 而已此後未知何因起巡撫地方之文又不知何因起贊理軍務之文 員閱實又差御史二員分行巡視是都御史添設之由也當其時閱實 此皆一時權宜之計因事而起然自是總督得以制巡撫而事權在總 伯都指揮等官內推舉充任是鎮守事權專在總兵官矣以後因各邊 吳時來日查大明會典凡天下要害去處專設官統兵戍守俱于公侯 設置未備器械未精軍旅不足乃兵部三年一次具題差文武大臣 兵部十入 西園開見錄卷之六十九 將權 前言 見 # 老之六十九 ## 嶺南 張 首三面奇甫 輯

制之至如賊至調度掣肘更多愚前任松江推官正遇倭寇曾經戰陣 按而本兵行事不如知府何者行勘紀功之文一至則兵備府縣官得 道委府縣官又巡按有隨營紀功監軍之文乃不自行隨營必委該道 又有中制之患至于失事罪獨歸之將官所由解體也夫督府職掌不 備知其詳如總督調度之文必兩設也既而巡撫檄之東巡按檄之西 以凡督撫相近之地既有總督則巡撫徒擁廑名無益地方不如革去 該道轉委府縣官是事權又在巡按矣愚每即之以爲巡撫權不如巡 督矣至于失事之後查勘功罪必行巡按乃巡按不行自勘必委兵備 過調度原無提兵殺賊之文巡按職掌不過監軍紀功原無調遣之文 于後此中制也又報至兵部兵部題請兵科亦題請或兵已東而調之 又機當戰機以守機當守機之戰機當預布堵截于前機之合力追動 巡撫以地方事專屬總督至于總兵則上自總督下至通判知縣無不 以制巡撫矣事有最難莫有難于九邊巡撫以其上下有制之者也愚 西援或兵旣西而調之東守此中制也夫總兵官兵力旣薄事權又輕

三次不勝又不能以身赴敵者則總督徑取其首獻于闕下是重事權 歸以死爲生以破虜爲命其有遇敵不戰則有逗遛觀望之罪如臨陣 眞愛惜軍士也愛財莫如愛命方將損其資以求得人之死力懼不可 愚以為剝削軍士正在事權輕而任之不久今重其事權所以責其必 戰又不他轉必以地方事爲己事以軍士命爲己命自然愛惜軍士非 乃所以鼓舞將官之術亦舊制也或以總兵無節制其如剝削軍士何 如此則兵既厚集而事權又明為總兵者必當動操練恤軍命以戰為 功俱要親自查勘不許轉委兵備及府縣官展轉支吾以虛委任之意 督其練兵總督臨時調遣但責其戰不責其守巡按不許調遣勘事紀 有所不受即今但宜選擇總兵官一員重其事權假以禮貌久其責任 也兵部調遣盧文也緩不及事也兵機倏忽一刻萬變乃欲以遙度之 得也而庸有尅剝爲哉 智中制之權紛亂聽聞使將官口實于此誠非事體古者軍在外君命 王鏊日將權貴專將位貴殊位不殊則混而不統權不專則散而不一 養 一般・アントル 井田

西里

又當巡撫前項地方邊人至今即之雖老尚可言也宜依祖宗時用王 為聲援一切邊務先委總制措置俟邊事有緒虜賊不至大舉入寇則 權有分合今遷務不可無人而京軍未可輕出史琳且宜坐鎮京營遙 爲今提督既有右都御史史琳復立總制似爲重複愚以爲勢有緩急 躺馬昂故事起取本官加以總制之名沿邊諸將悉聽節制庶事權歸 總制爲急而難其人聞致仕南京戶部尚書秦欽語練兵務素有威望 止者有矣大同有急欲調宣府之兵而不能延綏有急欲調大同之兵 于慎行日漢時邊郡太守既統兵符各當其塞法省權一易以展布如 京軍亦可以無出矣 而不可權分于將多威奪于將衆欲望成功難矣故廷議之際僉以立 有太監武臣則有總兵文臣則有都御史都御史欲調兵總兵不可而 今邊方之重者日大同日宣府日延綏日榆林其在邊將之任內臣則 同不得不赴號令嚴肅聲勢增重隱然有萬里長城之勢矣然議者以 無或沮撓命出則出止則止大同有急宣府不得不援延綏有急大

有ニラニラ

李廣歷上谷上郡隴西北地鴈門代郡雲中七郡太守以是名著匈奴 之長萬人之將得誅千人之長左右將軍得誅萬人之將大將無不得 交口韓白其何能施敗道也以倖勝之功爲必然之畫日甚一日長此 衆也至用兵詭道古有專嗣之寄無中制之機今塘報五日一上矣章 今之一鎮可當古一大郡自開府監司總戎參佐不下數十人法令滋 以今三大營六副將而統各分屬似有上下之分矣顧無論參遊住擊 該夫自十五而上第加鈴制以總奉約束于元戎此陣法也亦政體也 安窮天下事未可知也 奏日數論劾矣詰問月數下矣忽增一監忽設一提督調遣紛紜雖黃 馬政鹽法河工事之孔棘者如蝟而人莫敢任卽任者終鮮成功撓者 以撓君子今不慕實政而侈空談不惜當局之人而恣旁觀之口屯田 丁元薦曰自古成功少起于議論多文法煩而指視亂不能制小人適 煩權任無統翼既不逝動見踦摭何以責功効于桴鼓之間耶 □□□日射缭子什長得誅十人伯長得誅什長千人之將得誅百人

官率尚寬大競避風波巧者務鑽刺拙者安闖羊未嘗一吐胸中之奇 特參遊佐號得關雖黃之口即下而中軍疎而兵馬皆竊操之以故將 號頭所轄軍數相等也如號頭以上稱副將者日兵主而副將稱號頭 正名辨分以相彈壓者如此則大將之令或不行于偏裨偏裨之令或 以上皆曰老先生相見長揖不引避則儼然班行矣至于採訪賢否不 乎平居毋小加大臨陣若臂使指三軍之士可共死而不可亂矣 規別以部法名稱必嚴接見以禮一切考核各率所統遇上功罪則庶 不行于羣校動則掣肘莫克同心古所稱節制之兵殊不其然宜飭戎 虜中之勢在此兩人須嘗與之氣脈相通乃可大要虜情只要渙之無 張居正日那吉鉛台吉俱親至邊宜厚遇之俺酋老矣黃齒窮蹙無賴 **令得合而已** 攜黨 J 前言 往行買 Į 卷之六十九

院亦聚兵殺也先殆盡于是土木之忿少雪事隱鮮有知者近出于胡 為私禮公議賞之甚厚也先使不平歸告其主截殺得知院使人得知 弱虜者必先攜其黨黨攜則其勢孤而制勝在我矣 利遂降中國頡利勢孤矣夫頡利之兵不少于冒頓而漢高之勢不弱 牙幽州之北部衆多叛及討回紇薛延陀其兵又敗頡利怒而捷之突 之矣太宗即位未幾而俘之闕下使帶刀宿衛舉國爲臣信不世之功 隆慶五年虜酋俺答孫把漢那吉者酋婦所鍾愛也以郄于俺酋挾其 氏家乘 天順初也先及得知院皆遣使入貢胡忠安公計令得知院使進青鼠 于唐初然而鷙鶩于彼臣伏于此者冒頓之國全而頡利之勢分也故 也然当盡唐之兵威能制其死蓋有幾焉突利可汗者頡利之姪也建 于慎行日突厥頡利在唐初時控弦百萬雄據北方唐高祖嘗稱臣事

妻闌入邊總督工崇古留之邊吏謹曰此孤豎無足輕重宜勿留崇古

海棠

受封比屬國而佈答弟老把都駐牧上谷有五子十萬騎恥與俺答會 其父子官有差宗古以款虜功加少保兵部尚書世襲錦衣千戶賜蟒 盟上谷諸節帥以餌中之飽其欲于是利漢財物從俺答上表通貢封 願市于是俺答款塞縛叛人獻闕下誅之封俺哲順義王諸虜皆解辦 **醫臂盟世服無貳奚有于叛人遂訂盟通貢市馬而諸虜亦貪漢財物** 我狀其孫日夜涕唇俺哲亦悔且念乃以款來而擁十萬衆壓境崇古 之外以博與滅扶危之名而內收其力廷臣譁然以爲不可俺哲婦恐 居耆谷鑫秋置塞外其與黃台吉搆則兩利而俱存之弗搆則以師助 法使招其故部居近塞俺哲老死而黃台吉勢不能盡有其衆然後以 乃優遣以慰其抵犢之愛而制其命其弗急則我因而撫納如漢質子 衣白金飲至告廟羣臣遷賞如例 因諭以存恤恩而要其缚叛示信哲婦感且媳日漢乃肯存吾孫吾且 日此奇貨可居也俺答即急之因而爲市諭以執送叛人趙全等還我 卷之六十九

宣諭皆修醉命之體文采煥然類非推結之羣所能了解何其聲名文 襲中行之智而諸塞紛紛多事兵連禍結虛耗海內可見守邊者當重 約匈奴不復入寇自中行說入虜虜遂背盟至孝武之世翕侯趙信又 又日胡人雖好寇然非中國人教之不能知內地曲折漢文結和親之 尤不可不慎也 得入彼地而中調之間得遊我閮矣然而闌出闌入之禁在通好之日 亦自不易惟至開關通好混爲一家道路既開識察亦簡則浮游之徒 抗哉以是知邊關之禁不可不嚴然使戎狄梗化方爲寇敵中間往返 境爲之運籌制算以成建國之模文物典章因而大備安得不與中國 物遽至此也細思其故蓋華夷混一闡出無禁必有中華人士逃入其 之強良有以矣乃其兵機官制文字語言儼然中國同風即朝廷賜書 後國勢始強吐蕃據有河聽薦食西郊回統跨有漠北憑陵上國虜運 于慎行日山蕃西戎之一種回統即回聽亦突厥十姓之一也天實以 見蜂 色之六十ん 遊禁 車職

奴婢事覺或言宜置不治公以爲事關國體遂舉正管押通使官追給 成國公朱儀嘗守備南京時暹羅夷人入貢還泊龍江市中國子女爲 者如匈奴之于衛律趙元昊之于張元吳昊其為邊患可勝言哉是宜 給賞犯人財產庶奸頑知警邊防戒嚴奏上從之 殿立禁防凡守把關隘之人知情故欲俱謫發烟瘴充軍有能捕獲者 猝遇虜寇拘執其人冀得免死遂用爲獨導侵犯邊境設有桀點不逞 成化十七年山西巡撫何喬新奏緣邊軍民往往潛出境外伐木擒獸 間非車不可成周之世如臨衝之伐崇墉檀車之戰牧野罪人斯得明 譚學疏曰自古人君命將出師誅暴禁亂見可而進知難而退進退之 **夷價各遣歸** 闌出之禁近日趙全之事是其驗也 車戦. 前言 往行為

技能我用鎗砲動有三四百步威勢如相持過久彼將分投搶撓我則 嘗不成戰功我朝制兵之法超越千古凡有征伐所向無前但承平已 去處應角作補塞凡戰士器械不勞馬歇乾糧不煩自齎別處伏兵亦 賴之臣今奉命以來熟看大同地方山川平曠宣府地方一半相等門 追憶天順年間臣守西安曾辦車料至寧夏成造兵車吊無不利至今 久正統十四年京師戒嚴成化十九年大同失利振揚威武正在此時 隨處起其伏兵或首遏其驕橫或尾擊其情歸前項車營取便策應運 餘輛每輛用步軍十人駕拽行則縱以爲陣止則橫以爲營營車空缺 宣府以五輪爲則計算每車用砲四個每個生銅或生鐵俱用荒鐵二 無足之城策不飼之馬以臣所見前項車輪相應成造大同以一千輛 以鹿角柞如車營自衞以候若使虜賊合衆對壘彼用弓矢止有百步 庭寇至車戰為便臣等議得爲今之計大率以萬人爲一軍戰車五百 十餘斤其車頭車箱鐵樁鐵箍等項用熟鐵一百餘斤除木料近蒙朝

効足徵迨後如武剛車之走匈奴偏箱車之平突厥亦皆效其遺意未

臺懸樓官鐵成造戰車百輛鹿柞一千三百餘副在官諸色人匠俱各 庭撥以京軍採打數多儘足用其餘無數措置大同已行那借修造墩 卷之六十九

歇手所在官軍疲惫之甚分毫不許科擾以挫其銳以速其逃乞勃工

銅等項成造戰車幷器具若干備用如果不敷陸續另行此條億萬年 部量支係官生銅生鐵熟鐵十萬斤送至大同宣府二處三七分收領 李賢爲兵部侍郎景泰三年上言虜之所以敢輕中國者恃其弓馬之 簡易守邊一策今將戰車鹿角作椿繩式樣及畫下營檯營圖本具聞 責成守臣于寧夏山西守臣僱募人匠隨其前料幷各處炸碎銃砲廢

當也臣觀車製四圍箱板內藏其人下留銃眼上開小窗長一尺五寸 取勝之道則火鎗是也論中國之長技無出于此若用得其法虜弗能 拒馬今中國長策惟有所謂戰車若衞靑之武剛車可以禦之而又有 一面二百五十輛約長四里欲行則行欲止則止謂之有脚之城內藏 高六尺五寸前後左右橫排鎗頭每車前後占地五步若有車一千輛

強而已臣觀今日之拒馬木止能拒馬不能避箭挨牌止能避箭不能

近年總兵官王效曾用拽柴工車過與武營套虜之入固歷有成效之 之地爾及訪寧夏先年總兵官仇鉞曾用屯堡田車以解寧化塞之圍 靖蘭等處臨河渡口虜嘗踏冰入寇之地及他處虜常出沒有險可據 其餘以車戰勝虜者不可勝數而漢且置輕車將軍之官况今用車非 其制度之多寡不一甘肅見存一千一百五十九輛寧夏見存千輛固 地也不過用之延寧定邊花馬池一帶套虜頻年大舉深入要害之地 可考矣然非臣造爲也查得各邊亦有國初以來歷年所造戰火兵車 深入廣野沙漠數千里之地亦非用之腹裏平坦散漫虜隨處可入之 馬隆作偏箱車以三千五百人轉戰千里破樹能數萬之衆卒平涼州 爲營唐李靖之擒突厥自謂越險數千里未嘗敢易車騎相兼之制晉 將如漢衛青之破匈奴出塞數千里史稱其值單于急以武剛車自環 劉天和疏曰古兵家之流率謂步不能勝騎騎不能勝車歷放前代名 齊發其正繼出彼若遠遁我勢益張我威益振備邊長策莫善于此 軍馬糧草輜輕以此禦敵使馬不得衝陣箭不得傷人彼若近前火砲

逼近則用鎗斧鉤刀短兵出戰敵敗則軍馬出追遇夜則用火箭虜騎 斤箱前樹獸面牌繪出虎猊之象兩面各掛虎頭挨牌戰則張之以散 則各隨地形環布為陣馬軍居中敵遠則使火器稍近則施強弩弓矢 矢兩車相連可蔽三四十人每車二人輪推之一人挽之二人翼之戰 圍繞則火器弓弩四向齊發勢如火城虜不敢逼進退所向無前虜不

斬馬刀鐃鉤各一幷火藥鉛子鍁鏝鹿角等器通不過重

一百五十餘

袁表日車戰之法長于守而拙于攻利于易而難于險如余子俊之所 爾但須各邊將領簡選步兵操演精熟而後可得實用但諸邊佛朗機 之一者此也且每輛止費銀二兩餘每車千輛僅當軍千人一月之費 追奔逐北星馳霆擊然擺列邊牆以過虜入據阪險要以邀虜歸占據 馬步兼用長技兼施戰守皆宜誠可謂萬全取勝止以環列營傍施鹿 敢遮避且火器安于車上點放安穩不搖審定其苗頭高下一以高五 六尺為準所中非人即馬較之手中點放戰搖百不一中大不侔矣蓋 陳者固守邊之良法也然山川險阻車非其宜而以之深入征討則尤 流星砲一窩蜂品字銃銅鐵神鎗見貯甚少不足用爾 匝地以繩繫椿自保不暇者誠萬萬不侔矣臣認謂輕車爲中國長技 **虜陣徑攻虜營亦無往非宜較之諸邊怯懦將領倉皇下營挑壞以椿** 車制輕便亦可趨利以前險阻陷沙亦可扛擡以過久之精熟雖直衝 水頭以困虜馬誠可以弱爲強以寡爲衆修邊耕穫俱可用以防衛而 角連以鐵繩臣復制為隨車小帳以免軍士露宿用存恤愛是雖不能

色とたトル

之舊制從用今日之便宜仍將查勘過事情應否製造過車輛多寡明 永樂年間密雲一帶俱有車輛即今彼處官庫必有遺制合行巡撫都 **町得各邊軍前俱各造有戰車臨陣禦敵未見其良而下營安塞阻隔** 劉大夏曰照得密雲一帶切隣虜境而潮河川即條前元赴上都之大 非求爲大勝求爲不可敗也 成則吾之輪有所枳而不得行信有如前輩之所慮者矣故爲車戰者 非所便如彼以萬人之衆穿地以爲溝溝之上積以所起之土不日而 備應用仍乞將內府兵仗局做就車輛發一二輛與伊令其參酌彼中 其沿革制度或馬步高下各宜若干或地方遠近作何聯絡如果可以 虜騎最所便利所據潮河川地方既為險阻可據似宜設置車輛及開 行除已行奏鎮巡營等官勘議外凡有可以設防守之術各預爲處置 拒贼騎之衝突便我軍之用武即便支給官錢買料雇匠及時多置以 御史周季龍督同兵備副使錢承德查勘彼處官庫所收先年車輛及 川口寬漫別無險阻山水不時衝突又難立牆垣即今累報賊勢東

預備奉聖日是着上緊考究如法成造完了來說 實土轉陶比其來也則可以爲營爲壘吾但謹其烽堠時其瞭望以防 將惡其病也時出其騎以擾我人吾既業有此具故方其不來則可以 又大利於守不惟省獨秣之費而又資饋餉之給何者虜見吾修邊必 使陳大綱所制戰車甚爲簡便其下又可以載糗糧級衣物即遇險阻 險阻即跬步不能以寸是委敵之藉也臣近出巡過路安見前兵備副 **卓然體質重大非得十數人不能移徙即雖平原易地尙費推移如遇** 以即我此實兵家之利器今日所宜最先者也臣聞沿邊故亦置有戰 最能捍禦而不爲之動多置強弩廣設火器於車箱之上則彼不能近 然爭利邊陽所以往往失事至于發及將領而莫教者蓋以此也惟車 胡松日虜人最善聽突故常以聽騎踐我軍民軍一不能支則衆皆聽 定日行令一體查勘整理若京畿之地似有應用之處聽從工部斟酌 白具由回奏其邊關一帶或有應用車輛去處候選差整筋關隘官員 兩人可舁以行今潞安庫中多有之具以爲式夫此不惟有貲於戰而

之如趙充國之留步士屯田而頻出騎士以爲田者遊兵彼胡能爲也 卷之六十九

為兵之大要夫隆與靖而為庸將則猶可該也僕二子而號稱知兵則 是豈可不爲留神哉臣愚伏乞勅下所司詳議如以爲可請于諸邊各 以克敵故李靖於唐最號知兵及與太宗議伐高麗亦首及於此且謂 營路狹則爲木屋於車上且戰且前弓矢所及應弦而倒轉戰千里逐 昔晉咸寧中馬隆之爲涼州依入陣圖作偏箱車地廣則用鹿角車爲

虜然後虎翼而進則我曾不能試一技而束手爲戮矣則我之不利常 崩奔衝跌之虞矣 之狀人見而辟易腥膻臊羯之氣馬聞之而噴縮我軍之勢旣已披靡 置萬餘輛旣可用以擺邊而補牆垣亭障之關又可以施之追襲而制 程文德日虜將接戰必先馳騎衝動則進不動復退但以其勁悍慓疾

施左右於攻則相機可動萬一不利則馳歸亦有營宅可依夜則旋繞 置器械士馬皆擁車後則虜不敢衝衝亦無恐而銃砲鎗弩且惟意可

由於不能當虜之衝也去年正月當上疏請用車爲捍聯以鉤環其上

吳淑請用古車戰之法日匈奴所長者騎兵也苟非運車以制之則何 衝突止則足以營衛將卒有所庇兵械衣糧有所齎眞宗時困于契丹 為主用車而主人也易野車為主用人而主車也車之與戰動則足以 不用車乎昔武王問于太公曰車與騎步所當幾何公曰車者軍士之 澤當修戰車千二百乘以禦金人匈奴柔然金人皆北虜也禦虜曷當 太祖北征柔然車十五萬輛遂度大漠柔然畏怖不敢復南度馬燧為 剛車為營晉馬隆擊鮮卑山隘為偏箱車地廣為鹿角車轉戰無前魏 故也獨犹即今北虜也三代以後載於史册者若漢衛青擊匈奴用武 經傳者如日戎車旣安如輕如軒尹吉恵之伐獨犹也日方叔蒞止其 以禦其奔突哉故戰之用車一陣之鎧甲也可以行止爲營陣賊至則 羽翼也所以陷坠陣要強敵遮北走也宋陳祥道曰古之用兵險阻人 車三千方叔之征蠻荆也曰四牡騤騤君子所依小人所腓亦獨狁之 河東節度使為戰車冒以狻猊皮列戟於後行以載車止則為陣宋宗 Ą ないアンレントし

于外守在是戰在是營亦在是一器而三利焉嘗及之三代以前見於

不利至今賴之今大同宣府地方門庭寇至車戰為宜大率以萬人為 奏議內一疏專請成造戰車大略謂自古命將出師禁暴除亂非車不 無車也而淑之言尤爲痛快若爲今日而發也車曷爲而不可用乎此 邊一策而其開具式樣圖本于後又有樁繩式樣意亦爲伏兵據險而 營營車空闕處以鹿角作補塞几戰士器械不勞馬馱乾糧不勞自齎 武正在此時追憶天順年間臣守西安曾辦車料送至寧夏造車用無 往古之可稽者也臣載放我朝成化年間總督宣大軍務尚書余子俊 設耳近年總制尚書劉天和亦請用車車柞相間二式見存工部見者 首過或尾擊取便策應運有足之城策不飼之馬此條億萬年簡易守 可今承平已久正統十四年京師戒嚴成化十九年大同失利振揚威 以此爲所居之宅故人心有依不懼胡騎之陵突也皆言禦敵之不可 斂兵附車以拒之退則乘勝出兵以擊之出則恃此爲所向之地入則 別處伏兵亦以鹿角柞如車自衛若虜對壘相持日久則隨處伏兵或 一軍戰車五百餘輛每輛用步軍十人駕拽行則縱為陣止則橫以爲

志乎或又疑車不足捍臣聞前年山西警報虜將逼井陘官軍莫能制 防之耳或又疑虜之入常乘吾所不守車將安施臣則謂關之外或有 物皆可捍也而况于車乎其必可禦而不足疑也又明矣臣故曰車之 至洪善鎮鄉民倉皇盡砍聚枝布地虜騎遂不能進因而北遁然則凡 所不守也關之內吾所必守也不守而不能禦守而必禦其入也能得 異耳或疑車畏焚臣則曰夫舟豈不畏爾也而未嘗廢舟也在吾有以 曠野不便險隘臣則曰兵法易野險野易戰險戰皆用車也特其法少 處務要預備或有緊急暫買民間小車修改一面畫夜製造或謂車便 滅合無動下該部議定車式行令總制等官凡監口把截及平地割營 亦可以爲自全之計此事理之甚明者也在在四全聲援四集虜必可 復雄奔誰敢禦之誠得車為營衛則在在皆連城縱不能收必勝之功 車非必戰也而于守為要平沙曠野漫無憑依絕壘孤屯懼心生矣虜 **翕然以爲可用今宣大猶昔也總制猶昔也而車之用獨不可如昔乎** 此又當今之可稽者也由是觀之古凡戰者用車也而于虜爲急今用 ŭ 卷之六十九 車職

哉戰之用車一陣之鎧甲也故可以行止為營陣裝至則斂兵拊車以 當師其意不師其制其必斟酌損益今民間獨輪小車而用之乎蓋大 爲營光武造戰車上作樓櫓置塞上以拒匈奴隋禦突厥皆戎車步騎 居之宅故人心有依不懼胡騎之陵突也二子所言其達車戰之利乎 拒之賊退則乘勝出兵以擊之出則藉此爲所歸之地入則以此爲所 小車便矣宋李剛論用兵謂步不足以勝騎而騎不足以勝車吳淑請 自漢以下備邊禦敵用車者不一而足衛青出塞擊胡以武剛車自環 復車戰之法謂匈奴所長者騎兵苟非連車以制之則何以禦其奔突 陣大車遇險溝澮難輪而小車遇阻即可昇以度是故今欲車戰酌用 車難行而小車易運大車之造費多小車之造費省大車用騾畜費傷 陳建日夫兵戰用車其來尚矣然古今異宜占兵車之制不可復矣今 而小車一二人可推挽大車重滯難於前卻而小車開合周旋易爲布 禦虜也獨對病之藥也而今古所載則皆經驗之方也棄而不用病可 廖乎

當時戰車矣丘文莊亦嘗言小車之制著之于大學衍義補尤詳可及 斯善矣抑守邊用車尤有說焉亦時焉而已蓋承平之世與開國創業 燕泉餘冬序錄載今寧夏戰車之制矣大明會典雙槐歲鈔皆當錄及 行以載兵止則爲陣遇險以遇奔衝討田悅大破之前代名將用車取 施于車上轉戰千餘里殺傷甚衆遂平凉州劉俗伐秦爲魏軍所遇命 而近日邊城亦當言輕車之利矣今誠欲舉行但稽考三者斟酌行之 勝往往如此况于今日而何不行之有若夫戰車制度則往籍所載不 之魏師奔演後魏攻鍾離梁武帝遣豫州刺史韋叡敖之魏將軍楊大 將軍朱超石等以車七百乘渡河北岸為卻月陣以大弩及硝千餘禦 者皆知戰車之利而用之也不特此也馬隆擊鮮卑作偏箱車為木屋 俱發殺傷甚衆矢貫大眼右臂退走唐馬燧鎮河東為戰車冒以狻猊 眼勇冠軍中將萬餘騎來戰所向皆靡叡結車為陣以強弩二千一時 相參與應角爲方陣哥舒翰節度膽右當造戰車以收黃河九曲是數 一今姑舉其可行著之宋魏勝當創爲如意戰車弩車砲車矣近日何

4月171171

j

漢南肅清文皇帝親駕六征而豺跡遠遁有不戰戰必取請降恐後斯 時也守在四夷邊雖不備無警也而何談于車至後則不然矣己已之 爲行不得也致之前代名將用車制勝者不獨一衛青如馬隆平涼州 陳建日李文達余肅敏丘文莊皆陳戰車之利而或自以爲贈鴣車者 之虜馬豈能近驅車以衝之虜馬將退走豈有此禍哉悲夫一時謀臣 我所短角彼所長一敗塗地無惑也使二役也有車為拒長短兵夾輔 役王師二十萬騎覆于土木近日邊臣亦以數萬騎敗于花馬池是皆 暇遠引即以我國朝言之國初兵勢視今日何如高皇帝命將四征而 首陳之 不知出此也愚備徹今古而灼知車戰為守邊禦狄之策不容于已故 不知承平時勢之宜守而不宜與戰不知禦狄之宜車而不宜與騎以 承平恬熙之餘百不如前胡寇內侵非守何以爲策非車何以爲守不 馬精強將臣彪武有不戰戰必勝斯時也車固為贅也不可用也若夫 時勢胥壤不侔開國利于戰承平利于守開國之初乘百戰之餘威士

着シテナカ

劉應節日自古戰必用車故田賦計乘以爲強弱秦人裸跣而走六國 豈能隨焉莫如拒馬鹿角攢竹長牌馬上可以帶之隨軍而行一則可 蓋兵欲制人而不制于人此車之造軍被虜圍可以爲自守之計非臨 敵何不聞以爲鷓鴣耶愚故于治安要議以備車戰爲備邊之首 朱超石卻魏將軍韋叡卻楊大眼唐哥舒翰馬燧宋魏勝皆當用之破 制如周之元戎秦之小戎雖有侵劉不利衝擊又如偏箱鹿角僅足自 陣可以敗賊之術況邊方之地非山澗則砂磧必用人以行倉卒之間 邊造小戰車上安神鎗銃砲觀其規模似有可取施之戰陣多不濟用 馬文升日虜賊之來疾如鷹鶴不可測度縱馬一馳倏忽數里近以各 衛而推輓不便馳逐為難先臣李賢上禦戎事議為車戰其制四面用 用之亦鮮効何也制車非法行車非地用車者非其人也大抵古之車 之師狙于常勝之氣而未可爲訓也然車戰之法言者多矣竟未能用 璘拒金人于雞頭關實藉此具踵而制之可也 以拒戰馬之衝突二則可以遮胡虜之亂矢禦虜急務莫先于此昔吳 卷之六十九

之制其適于用而已臣嘉靖庚戌曾以戶部主事隨軍督的嘉靖癸亥 之車但于車箱一面略做秦戎龍盾以合之意立挨牌數面如城頭垛 又以兵備副使領軍入援竊見劃鎮地形平行兵勢脆弱私計不用車 倍又習之旬月則縱橫闔闢進止遲速無不如意其制亦如民間任載 戰終無當虜之日也臣退還井陘聊取遞運所車試一爲之而士氣輒 人馬如在櫃中運動周旋亦屬欠便臣愚以爲戰必須車當參考古今 治道途使地勢常在目中轉車疾于旋馬遇敵之際馳車冲突鎗砲齊 百輛共用軍千五百人尚餘軍一千五百布列營內分爲各哨其中軍 以拒登錄每車十五人五人在上專事射打十人在下以備更番每車 鎗劍以利衝擊就于杆上懸氈以蔽矢石又于兩箱之外置牌鎗外向 仍用車十輛專載火藥器械輜重糧料之屬平居無事則演習車陣平 口然仍于兩轅之外置長杆二從傍順出馬前中以橫木括之各安置

板以蔽人馬板上開窗以便射打其法頗善但畏之太甚而防之太密

發膚馬雖強勢必披靡俟其奔潰然後督發營中輕騎擊之自無不勝

見其長而虜必陷于所短此即武剛車類衛青所橫行沙漠然彼自環 足便馳逐止如山岳其靜不亂奮如雷霆無堅不摧如是則我得以盡 機火器無不可攜糧料獨豆無有不備番休定力不苦奔疲乘勝逐北 為壓土矣是虜得以盡用其長而我每陷于所短是以我軍未經戰陣 動無礙官糧各造車二百二十輛以備兩營之用其駕車馬匹每車四 大倍然後徐識罷車而所謂泰人之裸跣者者可用也伏乞容臣等查 不過順風縱火掘地摧輪而臣等皆知其所以預之矣僥倖數捷士氣 衛此兼衝擊彼地形在人此地形在我其利尤相遠也虜之謀吾車者 戰則人在車中從容射打不至失措兵在車內其防如城不患來衝神 車明矣短兵之不若弓矢弓矢之不若火器亦明矣是故有車以爲之 無以被其身則無以壯其胆故也夫步之不足以當騎騎之不能以當 騎虛喝于前而我之火器輒發須臾火盡無復措手虜馬驟加我軍化 顧我兵不足以當虜之強我馬不足以當虜之馳每兩軍對壘彼已數 夫虜之長技弓與馬二者而已中國之所持以賭虜者惟火器爲最利

ないところとし

間可練爲兵車七營每營用重車一百五十六輛輕車二百五十六輛 人當一騎一車當六騎六騎當一車由此觀之則今日車騎合練之法 車險戰之法一車當步卒四十人四十人當一車一騎當步卒四人四 又曰兵部議云車騎合練是否堪用臣等考之太公對武王曰車者軍 駕車無事則給付遊兵營無馬人喂養騎操全給糧草毋致瘦損又會 即太公復起不能易矣且所謂險地易地在劃昌皆有之今計二鎮之 軍絕糧道擊便寇也故車騎不敵又曰易戰之法一車當步卒八十人 之羽翼也所以陷堅陣要強敵遮走北也騎者軍之伺候也所以種敗 駐之石匣密雲以劃鎮總兵二營駐之三屯昌平總兵一營駐之昌平 巡撫標下一營駐之建昌遵化以西路副總兵一營合總督標下一營 步兵四千騎兵三千駕輕車馬三百五十六匹以東路副總兵一營合 八十人當一車一騎當步卒八人八人當一騎一車當十騎十騎當 同總督譚綸覆議都督戚繼光議 馬兩營共用馬八百八十匹就于薊州遵化等處寄養馬內選用遇警

名ラデーナ

營衞我得以展其所長是技又不相若矣此車騎合練堪用者一也行 前此庸入內地如蹈無人之境四散剽掠遍地皆虜莫之誰何今有兵 不用馬以車為蔽步又半不用甲省費甚鉅此車騎合練堪用者三也 不能六十步而我之火器火箭皆遠可二三百步之外且有營以爲之 或遮其前或搏其後或出其左或掩其右有追奔有迎擊有扼塞有要 能為矣或者疑于虜騎迅疾車步遲不相及臣等為之解曰用兵之法 堪用者四也薊昌地方險阻車利扼塞要截使虜大失利當有終身之 車與戰虜旣不敢分掠又不敢久住僅僅自保取道以遁此車騎合練 壘塹之勞馬有從容飲秣之便此車騎合練堪用者二也車不用食步 則為陣止則爲營以車爲正以騎爲奇進可以戰退可以守人無挑壞 截追奔要截及險地用騎與輕車扼塞用重車迎擊及易地則輕重車 是十二路二千里之間有七營車騎相兼轉戰之衆即有數萬之虜無 騎相合虜之所持者馬也而我有車以制其馬虜之所習者射也然遠 有分有合兵車七營豈皆聚爲一處必以一半合戰而又以一半出奇 * 卷之六十九

吉蓋恐以此毒天下其君子之所依乎然著戒雖明而假象則晦震行 則大矣今敢不占而語易教哉書之稱者以庸以降至牧野稱戎序則 于畜之大小及大壯大有既濟未濟惟舍而徒爲實它則剝也暌也姤 葉夢熊日蓋聞黃帝與蚩尤戰以中夏車徒制夷騎士在涿鹿之野矣 光議以車騎合練臣等援古證今實以爲得制虜之長策 戰以馬爲出奇其所從來遠矣不獨太公之對武王爲然今都督戚繼 前明其不可當也砲則隔子取子明其無物可障也此車與火器相須 無告彖象匪輿左氏內外傳則以車占焉而解者謂之小其驚遠懼遇 也困也雖解亦告矣然坎爲水地中惟師言輿而爲貞兇惟貞丈人則 而于典墳無徵焉當從博士家語易坤爲地爲大輿而坎于輿多眚又 爲用又因可互見矣臣等又以字說戰字從車陣字從車軍字從車大 軍所駐名其門為轅門轅字從車騎字從馬從奇可見古人以車爲正 創此車騎合練堪用者五也臣等又以突喻駐則布車四隅將卒馬砲 俱處其中明以車為衛也行以馬步各有止節惟車縱橫遠近所向無

之偏所用者率援勝而諱敗曷不歷較其多少而熟籌其利害乎春秋 我敢承矣然古之征戰殺人中有禮焉和響節奏具于儀篇大哉司局 輔馬小戎乃元戎之次元戎至于啓行爰蹇儼犹鋪淮夷南征北伐莫 破斧缺戕亦既敦然在下矣惟秦邊胡車鄰匪戎駟鐵雖從狩則取其 亦慎焉惟經言莫詳于詩斷章爰自詩始然其會同田獵莫非所以講 萬驍騎戰旬餘而殺過當尚有四百餘人脫歸報陛下乎至光武罷輕 以武剛全陵非此則全覆安能不滿五千步卒去邊北三十日以叩億 驍騎次輕車所總領者車騎也車先于騎可識矣衞李勝敗雖殊青固 以前未常率卒其法具存故不之詳戰國兼騎法日廢濅自漢拜將軍 又曰今之怯虜以騎射彼亦奚當不敗哉車之勝不勝蓋亦猶是也世 它姑舍是矣 武事業在于戰不暇及之彼清人之左旋右軸中軍作好而已東山雖 法也至于歸馬牧牛豈三百兩不乘乎而周官所掌何物故于二三策 聞之矣有革有檀而于誓或言甘左右攻及御與牧之步法莫非車戰 強 卷之六十九 十六

乎當南渡之初其攻禦五胡屢取勝荊楚之區則平野之馳驅何如然 莫知以輕以重豈非用之有殊哉苟不善于用也臨衝韫賴以攻孤危 彼能墨守而我敗有善者雖輪輻及鹿角拒馬賴之矣而况車之適宜 乾祐之勝也以草史朝義之勝何以乃陵所劍斬者而羅之于帳中且 而已臣觀今日之拒馬木止能拒馬不能避箭挨牌能避箭不能拒馬 之所以輕侮中國者惟恃弓馬之強而已中國長策無他惟避其弓馬 沈諸臣而可保其無害惜乎未有用之者毋怪未覩其利也安可懲唐 歷攷勝者孔多而人但恐敗過矣故宋人往往以請其知用輕者有范 蓋無大無小在所用之耳唐房琯敗以牛而哥舒翰以馬敗于李乾祐 惟有所謂戰車者旣能避節又能拒馬蓋此車即漢時衞青武剛車之 又曰景泰三年正月令廷臣共議備邊長策文選郎中李賢疏曰胡虜 覆轍至廢武剛于不講乃反晉之成軌雖有偏箱不可復試乎 類靑擊匈奴深入虜地見單于兵陣必以武剛車自環爲營兵法謂是

車及騎造樓櫓牛車于塞上晉則獨用偏箱于塞外轉戰千里而奏功

所謂有備無患乃克有濟也薛應旂按春秋時晉荀吳毀車崇卒以致 可以深入其巢穴不但用以退敵驅之出境而已所謂長策莫善于此 之地俱虜寇馳騁之所若邊城俱用此車遣將出師可以橫行于沙漠 自張我威益振况此時大同宣府遼東一帶軍民不敢出城耕作城外 若用車一千輛一面二百五十輛約長四里四面共長十六餘里欲行 窗長一丈五尺高六尺五寸前後左右橫排鎗眼每車前後占地五步 雖能發鎗不暇取中臣觀車制四圍箱板內藏其人下留銃眼上開小 鎗者要遮避其身以壯其胆然後發而中不然則畏其箭來手足失措 弓馬又有取勝之道火鎗是也論中國之長技無出于火鎗前代未嘗 **卓戰法亡而說者又謂漢衞靑唐哥舒翰皆嘗用車戰以破敵則是其** 不能衝陣箭不能傷人彼若近前銃砲齊發奇兵繼出彼若遠逐我勢 則行欲止則止謂之有脚之城內藏軍馬糧草輜重以此禦敵使其馬 有也近來不能以此取勝者非火鎗之過用之者不得其法耳且使火 卓有中有蓋爲先驅焉臣謂武勵車徒能避弓馬今之戰車不但能避 X Ę メジュ ト し・・・・・・・ ſ †

鴣車謂其行不得也李賢余子俊丘濬猶陳戰車之利者豈亦未嘗試 法猶未亡也但後來用車戰者不惟失利且車亦牽制難行至目爲鷓

不必用若令禦虜所患者我軍怯懦而彼騎衝突外無遮拒士卒倉皇 **淳鳞甲一可深入二則前拒三束部伍行以載兵不勞担負止則爲營** 免掘溝塹乘便出奇歸有所依與人長馳而爭天下者遇險難行此固 又曰言車戰之不善者曰利于守而不利于攻利于平原而不利于險 阻進難追奔不得大捷退難回轉必致大敗此其概也然古言兵車為

信間諜巡警守衛大將等項雜役車制比今騾車而小駕以三馬或四 之善今不可復欲得之軍萬二千五百人而教之為車三百乘乘用卒 爲三伍二伍隨車步一爲樵汲騎一爲遊兵不長在營餘卒二千人以 三十五人五人在車一人御二人射二人助或兼勾擊步騎各十五分 停敵之可勝宜莫如車不可廢也顧在教之熟而用之當耳昔古馳驅

弓弩火銃不暇施發而飄奔潰今欲致人而不致于人先爲不可勝以

三七各一爲這戶地廣則前二後二左右各一爲樣為三七一右一前後 **≶六差達五十乘內各二十五乘爲一偏六陣之布地狹則前一後一** 背急則歸營下馬助戰有死無退若少休或被圍則下鹿車或推小車 門更休不倦疊出無窮相持少頤則騎分兩翼而出或擣其肋或遠其 則歸營敵來則前車背射後車步士夾出刀斧雜施銃弩交發鎗牌接 向行則反之壓虜而屯遊兵時出以當寇或擾其畜牧或截其寇抄收 二陣各轉一偏勾曲敍連是之謂員陣引而直之卽爲方陣爲銳爲曲 遊兵護送常與往來營中另置巢車二二乘以備偵望戰車三百乘分 櫃可以汲水可以載糧可以藏人或細載牲畜菊養或攔塞隘口險要 凡車所宜百物皆備樵汲另用小車一乘或引以鹽上施二桶或箱或 塞其元玉八專發銃弩更番选上以次續食使無困弊勝則騎士超奔車 隨意消息亦無不可凡車相去各容一車出路有餘屯營結陣車皆內 方熱而進遇險則止另調遊兵或伏強虜截其歸路失利欲還則步騎

馬人披重鎧馬施捍衛車有箱箱有穴前發銃弩後載戈矛中峙糗糧

敵背戰後或前進或後代迭為前後番上更休敵解則車止仍率步士 特角彼將進無所獲退難善歸我軍縱無大勝亦無大敗矣待後幾年 者謂其重滯窒礙難行也不必遠引即丘文莊李文達馬溫肅許裏毅 又曰夫車戰古今詳言之矣用之皆有成敗歷歷可考問亦有稱不便 巢亦無不可輒以己見參以古法作車戰議 我軍慣戰彼仍寇擾選我精兵乘其利便舍車用騎長追遠襲直擣虜 無赦如此教習既閉而約束以定而後試之是謂三軍與敵周旋相爲 則連罪奇材異功方擬陞職或爭首級而縱虜不追及傷同類者必誅 以突其胸退則車旋先遣騎士以躡其後獲勝則同車共賞喪敗不救 力戰以待車轉成列步騎復入車內然後徐行前車治力整兵後車當 未得古人良法美意自古謂之馳車謂之輕車突騎謂之與兵十萬用 八人宣大造之用十人劃鎮見存日偏箱日飛車非十五人不能駕竟 每能言之而未身試成化年間工部造之名爲小車而一輛拽之用十 輕車二千皆越險數千里而轉戰者也安得以重滯為病哉本職近日

をマテナカ

敢誰何惟有戰車連結爲營衛我士馬可遏彼衝突火器間從中發虜 對壘虜騎剽勁如疾風迅雨倏忽齊至我軍輛悸憯退卻任其蹂踐莫 本職題以三年之功得精兵一萬少效制虜安邊之策也 者以駕輕車其竹挨牌與百子銃鐵拒馬須用南兵方可敏捷每車 相戒莫敢近是中國之長技無踰于車者矣昔年為計部郎曾于薊門 法合一萬人而爲一軍見在各營舊車存之以備運輓抽其軍之壯健 翼以新制鐵柜馬竹挨牌砍馬刀馬見之驚恐奔潰不敢回顧平地二 但車式大重非馬數匹卒十數人挽之不得動蓋宜于易而不宜于險 見故將軍戚繼光所造戰車大都做古偏廂之制環以爲營稍合古式 輛幷銃砲器具價銀五兩夫造之如法不惜其費練之如法必極其精 層新製手上百子銃二函輪輕着地若有自行之勢假二人推之如飛 人可推遇險四人可舉共可遮蔽二十五人為一隊隊馬五匹稍饭古 以意造之雙輪前向而遮板稍後上列刀鎗六把佛朗機二函火箭三 □□□□日熠生閩海不習邊事每遇塞上諸將輒與語咸云我軍與虜

卷之六十ん

勢精騎隨後則有摧枯拉朽之功聞之者怖遇之者仆可險可易可戰 之所紀載與我朝名公之疏議言車戰者莫不提摭而備輯之至其所 宜于守而不宜于戰心竊疑之制府葉公出手鈔戰車錄六冊凡經史 置為軍中之用者則獨有取于輕車云平地推挽僅用二人登山涉險 故款虜譬之養虎而恃款以爲安者厝火積薪之下人人危之矣然竟 款虜之費歲不下百萬婚與宋之歲幣等爾竭中國生靈之膏脂年年 為營則有連城之固進而衝鋒則有排撻之力神砲幷發則有迅雷之 不過三四人往來便捷而又翼之以拒馬挨牌藏之以拒銃神鎗止則 不聞出一奇决一戰以挫其鋒而罷其款者則以我無敢戰之將將無 可守非所謂制勝之上乘者耶今之與虜市款其名雖與獻納稍異而 熟練之一遇虜至誘之以步兵試之以游騎使之薄吾車營于時千乘 之外俱置車戰一軍火器拒馬各造如法而又選驍將簡健卒預教而 敢戰之兵兵無敢戰之具耳有如九邊諸鎮能準是輕車之式于步騎 以充腥膻之腹彼日以肥我日以瘠其終也必有决裂而不可測之憂

之不暇又安敢復揚揚而挾賞哉夫干將鏌錦天下之至利也然擊劍 幷驅萬砲齊響數百步之內胡馬當之有不整粉者哉虜方赦死扶傷 黃光昇日春秋晉吳荀毀車崇卒以致車戰法亡而說者又謂漢衛青 用也猶不學擊劍而至于自戕乃用劍之不善也而非劍之不可用也 論十害八勝之地言之詳矣要在審形度地知其所趨而又知其所避 之法用之不善不惟不足以制人而反足以自戕故車戰之法太公所 今輕車之式昭昭具在顧預習而善用之者深有望乎文武諸將吏者 臨敵而善用之耳不度地而至于敗乃用車之不善也而非車之不可 惟失利且車亦牽制難行至目為鷓鴣車謂其行不得也李賢猶陳車 唇哥舒翰皆當用車戰以破敵則其說又未亡也但後來欲車戰者不 隘否則千百騎突平原廣野汗漫而來者一車失防萬車益廢當事者 王文肅曰輕車火器此藥和平少試用之而善但未見虜庶亦可支窄 戰之利者豈不常試敷

卷之六十九

遠慮特貽兵車而况工部乎况京營乎今車止四輛不免爲一杯之水 備李繼等送戰車四輛至臣寓所見其竹木堅緻釘絆嚴密銃孔周備 弩前鋒利詢之則日向在南部乍聞遼信捐俸製造戰車二百輛復因 天啓元年協理戎政李宗言奏曰日者南戶部尚書汪應蛟差原任守 乞聖明勃下戶部速議支給完日仍請戶部親驗收貯 該部補造尚止渴之梅若將應支空月餘館全數給與京營聽臣會同 天啓元年南兵部主事何棟如陳木火二軍何謂火軍車戰是也臣開 各營經管員役前去太倉分領過營以便責成造辦戰車有神實用伏 北轉止帶做成四輛前送京營依式製造臣擊轅嘆曰陪京計部猶然 更熟肥之 中國之長技惟在火與車矣而邊將寡謀惟知弓馬以我所短攻彼所 鎗倒即箭射死毋怪其虜入得志也臣于神宗朝曾上請缨一疏已言 長安能取勝且從古出塞破虜未有不用車戰者若製得武剛大車偏 奴哲有精兵四萬人馬皆披全甲馬首兩旁皆夾長鎗對陣衝來軍非

是從容以銃砲擊之遠者可打十里近亦不下數百步更番迭換夜以 繼日人馬俱碎營塞可燒此于以弓馬敵弓馬利害何啻天壤倘火軍 能衝突我軍旣有所持而無恐箭縱能及遠我軍又有所蔽而無害于 箱小車各一千五百輛大小銃砲數千位結為三陣鼓行而前則虜不 習爲主自擇知火攻之將統領而訓練之則火器非常一發難禦計虜 與山海關之車營原不乏也往年工部所發出關火器以百萬計曾無 者故臣之思見禦奴之策畢竟求之車砲爲是非不知各處所獻車制 不畫站定之法更以我腰刀騎射之三短以當酋奴之三長未有不走 有一旅能堅障以待何至望風輒潰盡遭奸計之中也若徒厚集接兵 以山海一關之外為劇而一關之外求奴之長策全恃奸細然使我兵 天啓[]年南直巡按易應昌進車砲造式疏日東西蠢動在在告急總 兵十萬可一戰而盡也此破虜之一奇也 不練與弓矢同倘假臣便宜召募知火器之人不論何方何營但以慣 一濟于用至于今而獨有他妙巧乎靜言思之意者非車砲之無可用 見 卷之六十九

製旗彩其意有可得兩指陳者其言日兵家隨地應變各有所宜陸戰 隱四尺旁飛出二牌各一尺上層隙孔而施噴筒毒藥中層隙孔而施 也而後可以得志故制爲網輪車以兵營盤其製四輪其一面向敵者 誘我而營不動也惟密進得寸則寸得尺則尺即日在其伏中而不驚 在步步爲營步步推營以迫之而已奴驟來深突我而營不開也佯云 禦奴之法地有所必至而不患其不應勢有所必應而不患其不疲要 虜一也而戰法異者北虜逐水草無定居而奴據穴拒城有所定也故 者不可語于水中國之戰不可語于夷狄北虜之戰不可語于東夷故 不可常恃者也因卽舊式而變易之凡爲車式者四爲砲式者一閱其 細語此事部臣因而細求其製遂集江鄉以東人士逐件製成乃知一 九發而八十一矢週而開匣益之循環如前車之中央為強木心出車 切花法如火龍經所載火人火馬火櫃地雷之屬皆止可問設一出而 而實未盡車砲之用也臣于巡歷之暇每與差出戶部主事臣曹履吉 火箭火鎗下層則變獨匣弩而為三匣弩一發九矢用打虎藥傳其鏃

前端亦有三牌不施餘火器惟載提心銃一門蓋都城所有諸火器其 足行則推輪止則按鐵足入土使之不動一人推之四人執器隨之車 論忙迫敵騎已來不及施矣今所製提心銃舉放即于車上每銃一門 器雖大乃載以車而放以地終費手脚且一放之後竪起更入前藥無 盤每車相去丈餘橫木鉤聯之中復有小衝車前雙輪後以鐵鎚爲雙 則尺也或不止于站住而已也營立矣設猝遇奴來何可不擊又于營 弩之類奴雖有鐵騎何敢馳突我可推之而密進所謂進寸則寸進尺 横木鐵鈞彼此相聯隨其地之方員曲直以為營盤而後盆以拒馬伏 其上則施披水二板加木屋其旁俱爲牌護之牌亦撑人覆其下推之 提心有五即以五卒分攜之一心纔發一卒即前提之又入一心又一 而走于中可施橫板遇風雨土卒可不至暴露以此車式製若干輛用 頂二尺用鐵組繫四錘運其心則四錘環繞飛擊約去丈許人不可近 卒提之如此循環至于五心纔畢則頭一卒提心製藥艺又來入放雖 繼百響不歇可也此提心之法雖本于佛朗機然原製甚小又聞定海

可打着以至臨下則軒後轅臨高則軒前轅蓋一車而不言之數存焉 六尺二寸一提心可發鉛子百粒遠可二三里許管長故也其身之式 短僅爭尺許而跳與不跳因之凡毀易數十番乃定既定矣又前安照 則大佛朗機也其製子之多則百子銃也其氣力觔量壯大則三將軍 于遠傷過多或不止站住而已也此銳連發或藥烟薰蔽而不見敵之 自然神意安定即使萬一藥盡又可收而歸于大營何憂站立不住至 其試放之人雖無以一門重止二百斤一人推之四人輪之遞提輪放 非嘗試而漫爲者其在放銃之卒心知有三牌前障又此銃循環不歇 心以定銃枕之高下雖數百步之遠鉛子去地只可三尺敵即伏地亦 便捷而體輕每銃一發響則車身跳起發子高而不着今試爲車轅長 而來惟是銃身重二百斤藥力旣大而所載之車制闊僅一尺四寸雖 已撒門竟可丈餘數百門齊發愈遠愈寬使更多爲之何懼奴之峰摧 也蓋佛朗機百子銃三將軍合而為一者計一門百子發至百步外則 **衞禦倭雖用之而其製較短今長爲鐵管可四尺倂提心鐵池鐵柄可** 卷之六十九

前一層以衞此車之足而車上之人又作小車之眼奴更作漫天木牌 僅用一植木其性最堅故能勝任奴土安得此丈長之堅檀若以他木 天虎賁車駕高銃以倒擊之車高三丈二尺為拆壘之制不用則張而 過多或不止站不住而已也又于網輪車營盤并前後左右四門每門 為之銃擊一振有立折耳又使用多木為之便凝重而難行如此高車 以抵我耶即奴望而欲爲之毋論其製不得見即以意爲之乃今之製 步喜五分則遠五十步從高倒擊無處可遜如此車一行衆小衝車居 轆轤輪扯提心換放亦循環不歇架前亦安銃枕每抵五分則近五十 提心銃二門令精健砲手于頂上點放四旁以牌護之人亦不見再用 不見用之則輪動絞關以長絕升之頃刻高起矣其製頂上爲架亦要 左右為二臺車其製連二車盤為一臺上安一將軍二門庶乎舉放不 致震裂并四隅共為臺車乃十二安二將軍者二十四位亦從高倒擊 一軍使有五六十輛奴何能便以此倒擊未有站不住者也至于倒擊

去來又奴贼爲奉集之挨牌或濕絮被以抵我鉛子便不能入更爲飛

比于邊籍之墩臺而多其輪開戚繼光欲大將軍為三提心則墩臺之 倒擊亦循環不歇但尚未為之耳有此臺車營進則臺車亦推而進而 **卷之六十九**

冲衝實法也以高虎賁車循環倒擊活法也下營則張而向敵實法也 運行則將合車短長輪而收之活法也有實法而活者愈活有活法而 步爲營士卒咸有倚伏此實法也步步推之而進士卒咸可轉動此活 臺實法也以臺爲車以銃爲衡活法也以提心爲循環活法也以銃爲 法也以鋼輪車為營實法也以臺車為衛以小車為銃活法也因門為 又有補網輪車或不止站立而已也合車砲而言之則以四種之式步

大段主于如此至于全營既成仍有所必備者如車營既已周旋中堅 虎賁臺車皆番變前後因營手造以意授功成之以爲安營推營之法 銃之心下爲三匣弩與夫小衡車長短尺寸提心銃前後輕平等飛天 除孔而安火箭噴筒等器于中固有之至于上施斜板避風雨中為運 爲站立不走之法亦無踰此矣凡此製法即用于前人者止網輪一車

實者愈實即不知奴之遇而不得不應應而不得不疲者何如臣愚以

為是奴兵雖多終不敢近而取我而我反以遠而取之蓋不以士卒爲 器既冷乃更裝藥飛天虎黄之車盤尚有防牌網輪車之車輪尚宜高 費甚廣而人少應者卽職一年之內百凡節縮所餘約二千餘雨欲以 此其大勢擺布如此云耳部臣之意竊謂內帑萬不可請車木良材多 大以便行之泥沙中皆未及更備而據見在以進呈者第以為其式如 衡而以鲩爲衝要令士卒不傷一人至于每車五人各持長短兵器又 其言難以盡載又卽小三軍以部司局宗隸之教習練放令其出觸處 鋼輪車一小衝車十飛天虎賁車一臺車一提心銃十門三匣弩小車 多造若干幷呈而職得以應行部臣差一及瓜應還朝故僅將所製成 產南方欲倡其江東富家輸助共成萬人一營然後敢以上聞及計所 內宜有皮絮每號一位提心仍加添四門共成九門庶先放之提心火 自有宜備而不必言者也即今所進有其式而製仍未全者如防牌以 **埠馬若干以備追殺與夫飛天虎賁以臨城無雲梯之煩有多其擊傷** Ħ かんコンシー・して 主教

更有主張之帳車與升將旂之車又有定營諸砲與夫中軍規兵若干

言遼事者輒敗遼事爲之凜凜凡先後材官技士以見策陳言至者無 之用伏乞皇上發下該部驗試如其可用卽有諸臣見製車營不妨命 者因水路不便搭解另疏差官從陸解進交工部投納以爲將來車砲 定海衛火藥千總邵忠遂同押進呈其職所剩銀二千兩製車砲不及 備軍用是用輕車備禦虜矣天順入年造戰車製如民間小車但前增 目心思之用一一有可憑准即一一擬議之至以爲必如此庶可以少 成化十二年八月都察院左都御史李賢言古者多用戰車取勝乞制 佐中檀绸譯之用而一念芹曝不勝惓惓焉耳 下百十職付之扣之一不確卽不敢收如此車砲諸法不但諸臣竭耳 工部依此式為製一營令調到各兵將習之以盡禦虜之職職每見易 二面木板闊二丈高六尺彩畫飛虎獸面上開小窗三面各留銃眼至 一車與原造官兵部札付山海關車營守備馬可化新安衛舍人李熐]賓日洪武五年三月令山西北平河南山東造獨轅車千八百輛以 往行

名コインノーナ

蓄兵車數千輛及京營亦嘗因定襄伯郭登之言製小車二千五百輛 諭令各邊俱如式製造以備戰守事下兵部尚書項忠言陝西諸邊收 八人通用五十人行則爲方陣止則爲方營乞命所司會臣計造并選 偏箱車五百輛鹿角榨五百具相參而用每小車一輛擇一具共用十 閱精兵五千爲用命內臣幷文武大臣各一人統領教練俟警調用更 以爲車行日不過三十里若波雨雪跬步難進以此論之是車未必可 參與鹿角爲方陣屢見大捷以此觀之是車决可用也如以車爲可用 大漠柔然怖懼不敢南向突厥寇唐而太宗遣將出戰皆戎車步騎相 不可用稽之于古如柔然侵魏而太武北征騎十萬車十五萬輛遂造 戰恐一旦拂其所素習強其所不能臨期應用違悞非便乞如賓言遣 用也今將士終歲操習自永樂到今止于馬步相參較閱騎射不習車 人馬大亂官軍死亡四萬宋神宗時契舟入寇取雨河軍民爲備沈括 唐房琯效春秋戰法車二千乘馬步夾之行至陳濤斜被賊縱火焚車 日久無用俱以毀廢今賓復及此但今宿將邊臣彼此異見如以車爲

卷之六十九

掌兵官如擬分兵列陣以驗之旣試忠等覆奏謂所造車榨若兩軍對 義人也近邊而請造車則車當用也明矣 壘之際用以守城安營可以禦矢石防衝突若追逐奔北登高致遠履 成之日以聞至是車成兵部以請命賓及中等詣教場會三大營內外 乘危禦之開闔奇正之妙推挽進退之法宏綱大略俱要講明俟車製 外官驗其規制可以施行如輕騎剽掠何以分布追之監險邀遮何以 御史及工部督工如式先置車十輛榨十具送赴教場仍令賓會同內 放銃七人行則為除止則為營空處張挂有園畫作獅頭牌而又于營 仍聽臣等會總兵等官酌量上日既登高涉險不便其已之賓劃州順 險涉危恐非所宜宜行工部以漸成造付教婆操習若制有宜損益者 □□□日成化二年令每隊步造小車六輛輛載九人軍裝一人推挽

前三面為廂中安快鎗或佛朗機少五六杆多七八杆口出前板之外

小紅缨頭并生鐵鈴鐺車制以戰車四百輛為一營其車用雙輪左右

外每車添設木樁一根絆馬索一條每車用布幕二扇俱用旗鎗張挂

城郭車四面結署爲方陣步騎二旅中藏之遇虜乘陴火器先薄五百 步外稍近則步兵出轅下距虜馬排擊之虜卻而奔則縱騎兵乘勝逐 戚公繼光居蒯鎮日增募南兵二萬編伍戍之議立車營出戰則以代 陳廷尉珂嘗巡撫河南陳贊畫安邊大計三日制勝日教勝曰器勝頗 器一二杆急則齊放放盡取出裝藥遞相安置輪放前板居中大約寬 馬漢長于弩宜各任所長時未及用識者韙之 見施行其論河南平原野戰以車為主宜饭古魚麗偏箱之法番長于 別車俱畫獸面路閱數輛並行狹則單行順推逆挽前後俱便 約三尺兩傍二扇各二尺制為門扇以鐵為鉤行則折回下營則相聯 欲放將覆板懸于前板之上此前廂板高二尺勢如梁牆緩則先放火 北慮師不宿飽復盆輜重營以從 柄安置于中緊頂于後將火線火藥鉛子盛置停當上覆以木板遇賊 Ō Ą Į,

卷之六十九